

校註婦人良方

二

中國醫學大成第九集

婦科類

校註婦人良方二

上海大東書局印行

校註婦人良方

宋 臨川 陳自明 良甫 編輯
明 古吳 薛 己 立齋 補註

鄞縣 曹赤電 炳章 圈校

卷四

婦人血風肢體骨節疼痛方論第一

婦人血風。繇氣血不足。腠理不密。風冷乘之。以致邪正相搏。故骨節疼痛。肢體發熱。口舌咽乾。

愚按東垣先生云。飲食失節。脾胃虛弱。乃血所生病。故口中津液不行。若火熱來乘土位。故肢體發熱作渴。若肝經血熱。用四物。羌活。黃芩。黃柏。肝經血虛。用逍遙散。山梔。川芎。風濕兼痰。用四物。南星。半夏。羌活。蒼朮。風濕傷脾。用羌活勝濕湯。暑濕傷氣。用清燥湯。氣鬱肝脾。用四君。木香。枳殼。檳榔。胃氣受傷。用補中

益氣湯。瘀血流注。用四物、桃仁、紅花、骨痛筋攣。用當歸、沒藥。倦怠無力。用補中益氣、羌活、川芎。

附治驗

一婦人自汗盜汗。發熱晡熱。體倦少食。月經不調。吐痰甚多。二年後。遍身作痛。陰雨益甚。此氣虛而風寒所乘。用小續命湯。疼痛頓止。用補中益氣、加味歸脾。三十餘劑。諸症悉愈。

一婦人月經不調。且素有痛風。過勞必作。用衆手重按。痛稍止。此氣血俱虛。用十全大補。加獨活而痛痊。用六味丸、逍遙散而經調。

一婦人肢體作痛。面色痿黃。時或赤白。發熱惡寒。吐瀉食少。腹痛脇脹。月經不時。或如崩漏。或痰盛喘嗽。頭目眩痛。或五心煩熱。口渴飲湯。或健忘驚悸。盜汗無寐等症。臥床年許。悉屬肝脾虧損。氣血不足所致。用十全大補。加味歸脾。兼服月餘。諸症悉痊。

芎藭散

川芎一錢

赤茯苓

赤芍藥

酸棗仁炒

桂心

當歸酒洗

木香

牛膝酒洗

羌活

枳殼炒

甘草各三分

右水煎服。

羚羊角散 治血氣身體疼痛手足無力。

羚羊角 鎊

酸棗仁 炒

生地黄

檳榔 各半

五加皮

防風

赤芍藥

當歸酒洗

骨碎 補炒

海桐皮

川芎 各五錢

甘草 三錢

右為末。每服二錢。溫酒調下。

通靈丸 治血風手足疼痛不可忍者。

白附子

僵蠶 各一兩 去絲

全蠍 半兩 炒

麝香 一字

右為末。煉蜜丸。桐子大。每服十九丸。溫酒下。日二服。

當歸沒藥丸 治血風肢體刺痛筋攣骨痺或手足麻木。

當歸

五靈脂 各一兩 炒

沒藥 半兩

右為末。醋糊丸。桐子大。每服三十九丸。薑湯下。

虎骨散 治血風走痛。或打撲作痛。

虎骨 酥炙 敗龜板 酥炙 當歸 酒洗 桂心

牛膝 酒洗 漏蘆 地龍 去土 歲靈仙

玄胡索 炒 自然銅 製等

右爲末。每服二錢。熱酒調下。

附方

羌活勝濕湯 治頭痛脊痛。腰似折。項似拔。

羌活 獨活 各一錢 藁本 防風

甘草 炙各五分 蔓荊子 川芎 各二分

右水煎服。如身重腰沉沉然。是濕熱也。加黃柏一錢。附子半錢。白朮二錢。

東垣清燥湯 方見後 四物湯 補中益氣湯

四君子湯 三方見二十卷第六論 小續命湯 方見十九卷第八論 逍遙散

加味歸脾湯 十全大補湯 三方見二十四卷第四論 六味丸 方見十一卷第十一論

婦人血風白虎歷節走疰方論第二

婦人血風。白虎歷節。絲體虛風邪乘之。隨血而行。或淫溢皮膚。或卒然掣痛走注。如虎嚙者。加減小續命湯主之。

愚按東垣云。若人身體沉重。走注疼痛。此濕熱相搏。或風熱鬱而不得伸。附着於有形也。是症多因飲食起居失節。或因七情勞役失宜。脾胃虧損。腠理不密。外邪所侵。以致內熱晡熱。自汗盜汗。或經候不調。飲食不甘。治法。濕熱腫痛者。清燥湯。兼痰。佐以二陳湯。肝火作痛者。加味逍遙散。脾鬱作痛者。加味歸脾湯。血虛作痛者。四物湯。氣虛作痛者。四君子湯。氣血俱虛者。八珍湯。俱加羌活。川芎。月經先期而痛者。加味逍遙散。頭眩倦怠而痛者。補中益氣湯。大抵按之痛甚者。病氣實。按之痛緩者。元氣虛。勞役而痛者。亦元氣虛也。飲食失宜而痛者。脾氣虛也。惱怒而痛者。肝火盛也。若晝輕而夜重者。血分病也。兼用

附治驗

一婦人歷節發熱作渴。飲食少思。月經過期。其脈舉之洪大。按之微細。用附子八物。四劑而痛止。用加味逍遙而元氣復。用六味丸而月經調。

一婦人體肥胖。素有熱。月經先期。患痛風。下體微腫。痛甚則小便頻數。身重脈緩。

此風濕血虛而有熱。用羌活勝濕湯二劑。腫痛漸愈。用清燥湯數劑。小便漸清。用加味道遙散。內熱漸愈。又為飲食停滯。發熱仍痛。面目浮腫。用六君加柴胡。升麻而愈。又因怒氣。小腹痞悶。寒熱嘔吐。用前藥加山梔、木香而安。惟小腹下墜。似欲去後。此脾氣下陷。用補中益氣而愈。後因勞役怒氣。作嘔吐痰。遍身腫痛。經行寒熱。此肝木侮脾土。用六君加柴胡、山梔。腫痛嘔吐悉退。後用補中益氣而安。

一婦人飲食少思。畏風寒。患痛風。嘔吐寒熱。脈弦緊。用附子入物而四肢痛愈。用獨活寄生而腰痛漸痊。惟兩膝腫痛。用大防風湯而痛漸愈。用歸脾、道遙而元氣復。

漏蘆散 治走疰疼痛。

漏蘆

當歸酒洗

牛膝各三錢

桂心

地龍去土

防風

羌活

白芷

沒藥

甜瓜子各半兩

虎脛骨

敗龜板各炙酥一兩

右為末。每服二錢。熱酒調下。

四生丸 治骨節作痛。或渾身麻痺。

白僵蠶絲妙去

地龍去土

白附子

五靈脂

草烏去皮尖 各等分

右為末。米糊丸。桐子大。每服二十九。茶清送下。酒調服亦可。

麝香丸 治歷節諸風走痛。或如蟲行。

大川烏三箇去皮 尖生用 全蠍二十箇

黑豆二十粒

地龍去土 錢

麝香一字

右為末。米糊丸。菉豆大。每服十九。溫酒下。許學士云。予得此方。凡歷節及不

測疼痛。一二服便瘥。治一貴婦。遍身走痛。夜如蟲嚙。三服而愈。

附子八物湯 治歷節痛如錐鋸。

附子炮

乾薑炮

芍藥炒

茯苓

人參

甘草

桂心各五分

白朮一分 錢

右水煎服。一方去桂。用熟地黃二錢。

獨活寄生湯方見後

小續命湯方見後

一婦人兩踝作痛。上行膝髀肩肘。痛如錐鍛。至夜尤劇。六脈皆緊。一劑而愈。又鄧安人。夏月患此。人迎脈虛。此因暑而得。用酒蒸黃連丸。一服亦安。

附方

東垣清燥湯 治元氣虛濕熱乘之。遍身痠軟。或肺金受邪。絕寒水生化之源。腎無所養。小便赤少。大便不調。腿腰痠軟。或口乾作渴。體重麻木。頭目眩暈。飲食少思。或自汗盜汗。肢體倦怠。胸滿氣臭。

黃耆一錢

五味子粒炒

黃連炒

神麩炒

猪苓

柴胡

甘草各二分

蒼朮

白朮炒

麥門冬去皮

陳皮炒

生地黄

澤瀉各五分

白茯苓

人參

當歸酒洗

升麻各三分

黃柏酒拌一分

右水煎服。

二陳湯方見二論

八珍湯

加味逍遙散

加味歸脾湯方見四論

四君子湯

六君子湯

補中益氣湯四方見二十六卷第六論六味丸方見二十四卷第十一論

羌活勝濕湯方見前

大防風湯方見二十四卷第九論

婦人血風癩癧瘰癧瘡方論第二

婦人瘙癢癧疹。五心煩熱。乃血風攻疰。用人參荊芥散。消風散。逍遙散。大抵因體虛風寒相搏。赤屬血分。而白屬氣分也。經云。汗出見濕。乃生瘰癧。凡人汗出。不可露臥沐浴。使人身振寒熱。致生風癩也。

愚按前症有身發疥瘡。或如丹毒。癢痛不常。或膿水淋漓。發熱煩渴。或頭目昏眩。日晡益甚。或寒熱發熱。月經不調。皆肝經風熱血燥。用加味逍遙散爲主。佐以四君。芎歸。若忿怒身發疥瘡。痛疼寒熱。乃肝火血燥。用加味小柴胡湯。氣血俱虛。八珍加柴胡。丹皮。若夜間發熱。作渴譫語。乃熱入血室。用小柴胡加生地。血虛。四物合小柴胡。後用加味逍遙散調理。若鬱結食少體倦。內熱晡熱。乃脾經血燥。用加味歸脾湯。寒熱。加山梔。熟地。若遊走瘙癢。乃血風走注。用何首烏散。血虛。逍遙散。風熱。消風散。若專用風藥。復傷陰血。必致筋攣等症。

附治驗

一婦人身發疥瘡。或生丹毒。癢痛不常。搔碎成瘡。膿水淋漓。發熱煩渴。頭目眩暈。日晡益甚。此血虛內熱之症。以當歸飲。加柴胡、山梔治之而愈。

一婦人患前症。肢體疼痛。頭目不清。自汗盜汗。月水不調。肚腹作痛。食少倦怠。先用參荆芥散。後用逍遙散。治之而痊。

一婦人因忿怒。身發疥瘡。憎寒發熱。余謂肝火。用小柴胡湯。加山梔、黃連治之而愈。後口苦脇痛。小便淋漓。復用前藥全愈。

一婦人患前症發熱。夜間譫語。此血分有熱。以小柴胡湯。加生地治之而安。後用四物湯。加柴胡、山梔、丹皮而熱退。又用逍遙散全愈。

一室女十四歲。天癸未至。身發赤斑癢痛。左關脈弦數。此因肝火血熱。以小柴胡湯。加山梔、生地、丹皮治之而愈。若因怒而致者。亦宜治以前藥。治驗餘見二十四卷血風門

何首烏散 治皮膚癢癢。遊走無定。

何首烏

防風

白蒺藜炒

枳殼麸炒

天麻

僵蠶

胡麻炒

荒蔚子

蔓荊子各一錢

茵陳五分

右水煎服。

附方

四物湯

四君子湯四方見二十卷第六論

加味小柴胡湯

小柴胡湯二方見二十卷第二論

八珍湯

加味歸脾湯

加味逍遙散

逍遙散四方見二十卷第四論

消風散方見二十四卷第七論

當歸飲方見二十四卷第六論

人參荊芥散方見五卷第三論

婦人虛風頭目眩暈方論第四

婦人頭眩。繇氣虛風入於腦。循脈引於目系。目系急而然也。邪甚則必癩。素問云。頭痛癩疾。下虛上實。過在足少陰。巨陽甚則入腎。徇蒙招搖。目暝耳聾。下實上虛。過在足少陽。厥陰甚則在肝。下虛者腎虛也。故腎厥則頭痛。上虛者肝虛也。故肝虛則暈。徇蒙者。如以物蒙其首。招搖不定。目眩耳聾。皆暈之狀。故肝厥頭痛不同也。

愚按丹溪先生云。眩者言其黑。運旋轉。其狀目閉眼昏。身轉耳聾。如立舟船之上。起則欲倒。蓋虛極乘寒得之。亦不可一途而取軌也。若風則有汗。寒則掣痛。暑則熱悶。溼則重滯。此四氣乘虛而眩運也。若鬱結生痰而眩暈者。此七情虛火上逆也。若淫慾過度而眩暈者。此腎虛氣不歸源也。若吐衄漏崩而眩暈。此肝虛不能攝血也。有早起眩暈。須臾自定者。元氣虛也。正元飲。下黑錫丹。傷溼頭運。用腎着湯。加川芎。有痰。用青州白丸子。頭風風熱也。久則目昏偏頭風。相火也。久則目緊便澀。皆宜出血以開表之。竊謂前症肝虛頭暈。用鈎藤散。腎虛頭暈。六味丸。頭暈吐痰。養正丹。不應。八味丸。血虛。四物參苓白朮。不當歸補血湯。氣虛。四君歸耆。不應。益氣湯。用木實瀉青丸。虛。用地黃丸。不應。川芎散。脾氣虛。二陳參朮柴胡升麻。不應。益氣湯。加茯苓半夏脾胃有痰。半夏白朮天麻湯。風痰上壅。四神散。發熱惡寒。八物湯。七精氣逆。四七湯。傷濕而暈。除濕湯。

附治驗

一婦人素頭暈。不時而作。月經遲而少。此中氣虛弱。不能上升而頭暈。不能下化而經少。用補中益氣湯而愈。後因勞仆地。月經如湧。此勞傷火動。用前湯加五

味子。一劑而愈。前症雖云氣無所附。實因脾氣虧損耳。

婦人內熱口乾。勞則頭暈。吐痰帶下。詳見六卷第十六論。

養正丹治 虛風頭眩。吐涎不已。蓋此藥升降陰陽。補接真氣。非止頭眩而已。

黑鉛

水銀

硫黃

硃砂

右用砂器鎔鉛。下水銀攪勻。離火少時。入硫砂再攪。候冷為末。飯丸。棗豆大。每

服三十九。空心。食前。棗湯下。

鈎藤散 治肝厥頭暈。

鈎藤鈎

陳皮炒

半夏薑製

麥門冬去心

茯苓

茯苓神去木

人參去蘆

甘菊花

防風錢各一

甘草分炙三

石膏錢煨一

右薑水煎。

川芎散 治肝腎虛風。頭目眩暈。或頭痛耳鳴。目系緊急。

小川芎

山藥

白茯苓

甘菊花野菊不用

人參各半

山茱萸肉一兩

右爲末。每服二錢。酒調。日三服。

三五七散 治八風五痺。肢體不仁。或風寒入腦。頭痛目眩。耳內蟬鳴。

附子炮

細辛各三兩

山茱萸

乾薑炮各五兩

防風

山藥炒各七兩

右爲末。每服二錢。溫酒調。

四神散 治血風眩暈。頭痛寒熱唾痰。

菊花

當歸酒洗

旋覆花去梗

荆芥穗各一錢

右葱白三寸。茶末一錢。水煎。

附方 治血風頭眩。或不知人事。用喝起草嫩心。陰乾爲末。酒服二錢。其功甚效。

卽前蒼耳散。

治頭旋如天動地轉。名曰心眩。膽礬一兩細研。用麵餅劑一箇拌勻。勒如骰子大。

瓦上焙乾。每服一散爲末。燈心竹茹煎湯調下。此去痰之法。當審而用之。

附方

正元飲 治下元虛敗。痰氣上湧。頭目眩暈。臟腑滑泄。時或自汗。手足逆冷。霍亂

轉筋等症。

紅豆錢炒二

人參去蘆二兩

附子炮去皮一兩

茯苓

甘草炙各一兩

肉桂五錢

川芎

山藥薑汁炒

烏藥

乾葛各一兩

白朮二兩

乾薑炮三錢

黃耆炙一兩半

右每服三錢。薑棗水入鹽少許煎送黑錫丹。

黑錫丹 治真陽虛敗。痰氣壅塞。心火炎熾。或赤白帶下等症。

肉桂

沉香

附子炮去皮臍

葫蘆巴酒浸炒

破故紙炒

茴香炒

肉豆蔻麵裹煨

陽起石研水飛

金鈴子蒸去皮核

木香各一兩

硫黃

黑錫去灰各二兩

右將黑錫、硫黃入銚內。煉結砂子。傾出地上。去火毒。研細。餘藥為末和勻。再研

至黑光色。酒糊丸。桐子大。陰乾。入布袋擦令光潤。每服四十九。

腎着湯方見十五卷第八論

青州白丸子方見三卷第四論

六味丸

八味丸卷第二十一論

當歸補血湯方見十九卷第六論

四物湯

四君子湯

補中益氣湯三方見二十四卷第六論 二陳湯方見二十四卷第五論

瀉青丸方見二十四卷第三論

八物湯方見二十四卷第四論 四七湯方見十二卷第七論

除濕湯即腎着湯加川芎

半夏白朮天麻湯方見四卷第五論

婦人血風頭痛方論第五

許學士云。婦人患頭風者。十居其半。每發必掉眩。如在車船之上。蓋因肝經血虛。而風邪襲之爾。用川芎當歸散。若頭痛連齒。時發時止。連年不已。此風中腦。謂之厥逆頭痛。宜白附子散。及灸曲鬢穴。在耳掩前正尖上。灸七壯。左痛灸左。右痛灸右。

愚按。東垣云。足太陽頭痛。脈浮緊。惡風寒。川芎、羌活、獨活、麻黃為主。手少陽經頭痛。脈弦細。往來寒熱。柴胡為主。足陽明頭痛。身熱。目疼。鼻乾。惡寒發熱。脈浮緩而長。升麻湯。或石膏、白芷為主。手太陽頭痛。有痰體重。或腹痛。為痰癖。脈沉緩。蒼朮、半夏、南星為主。足少陰經頭痛。足寒氣逆。為寒厥。脈沉細。麻黃附子細辛湯為主。足厥陰頭項痛。或吐涎沫。厥冷。脈浮緩。吳茱萸湯主之。諸血虛頭痛。

當歸、川芎爲主。諸氣虛頭痛。人參、黃耆爲主。氣血俱虛。頭痛調中益氣。少加川芎、蔓荊、細辛。痰厥頭痛。半夏、白朮、天麻湯。厥逆頭痛。羌活、附子湯。如濕氣在頭者。以苦吐之。不可執方而治。若脈雜見而病見不一。且補胃爲主。

附治驗

一婦人因勞耳鳴。頭痛體倦。用補中益氣。加麥門、五味而痊。三年後得子。因飲食勞倦。前症益甚。月經不調。晡熱內熱。自汗盜汗。用六味地黃丸。補中益氣湯頓愈。經云。頭痛耳鳴。九竅不利。腸胃之所生也。故脾胃一虛。耳目九竅皆爲之病。一婦人兩眉稜痛。後及太陽。面青善怒。此肝經風熱之症。用選奇湯合逍遙散。加山梔、天麻、黃耆、半夏、黃芩而愈。此症失治。多致傷目。或兩耳出膿。則危矣。頭痛手掉身麻。見一卷第五論。

川芎當歸散

川芎一錢

當歸酒拌

羌活

旋覆花

細辛

蔓荊子

防風

石膏煨

藁本

荊芥穗

半夏麩

生地黃

甘草炙各五分

右薑水煎。

白附子散 治風邪風痰。頭痛連齒。不時舉發。或連年不愈。

麻黃根不去

烏頭炮去

南星炮各半兩

白附子炮一兩

全蠍炒五枚

辰砂

麝香

白薑炮各一錢

右爲末。酒調服三分。臥少時。

川芎茶調散 治諸風上攻。頭目昏重。偏正頭痛。

薄荷入兩

川芎

荊芥各四兩

羌活

白芷

防風

甘草炙各二兩

細辛一兩

右爲末。每服二錢。食後茶清調。

如聖餅子加細辛。其效甚速。若頭痛筋攣。骨重少氣。噦噫腹滿。咳嗽煩寃。其脈舉之則弦。按之石堅。繇腎氣不足而逆上。謂之腎厥頭痛。宜玉真丸、硫黃丸。

硫黃丸 治頭風不問新久。服此除根。屢用屢效。

硫黃二兩

硝石二兩

右爲末。滴水丸。指頂大。每服一丸。空心。細嚼。茶清下。
一方用生菜菹汁。仰臥注兩鼻。數年之患。一注卽愈。
一方治風邪入腦。患頭痛不可忍。不問年歲。

硝石

人中白

腦子等分

右爲末。用一字。吹入鼻中。

都梁丸 治產前產後。風邪所傷。頭痛頭暈。方見後

附方

調中益氣湯 治氣血俱虛而頭痛。

芍藥三分

升麻二分

黃耆一錢

甘草五分

五味子七粒

當歸

白朮

人參各三分

柴胡

橘皮各二分

右水煎。

半夏白朮天麻湯

半夏一錢

白朮

神麴炒各一錢

天麻

黃耆

人參

蒼朮

陳皮

澤瀉

茯苓各五

乾薑三分

黃柏酒製二分

大麥蘖半錢

右每服半兩水煎。

羌活附子湯

麻黃

黑附子炮

白芷

白僵蠶

黃柏各三分

羌活

蒼朮各五分

防風

甘草

升麻各五分

黃耆五分

右水煎服。

選奇湯

治風熱上壅。眉稜骨痛。或頭目眩暈。

羌活

防風各三錢

甘草生冬夏

黃芩酒製冬去之

右每服三錢水煎。時時服。

吳茱萸湯

升麻湯

麻黃附子細辛湯

三方見六卷第十三論

補中益氣湯

方見二十四卷第六論

六味丸方見二十四卷第十一論

逍遙散方見二十四卷第四論

頸項強痛方論第六

夫頸項屬足太陽膀胱。足少陰腎。二經相爲表裏。若感風寒濕氣。則發熱惡寒。頸項強急。腰背反張。瘕癥口噤。脈沉遲弦細。新產血虛出汗。多患此症。若因鼾睡失枕而致。用三五七散。追風散。若風邪所傷。用都梁丸。木瓜煎。

愚按東垣云。肩背痛不可回顧。此手太陽氣鬱而不行。以風藥散之。竊謂前症。若因肝木自旺。用瀉青丸。精血不足。六味丸。風熱淫肝。加味逍遙散。怒動肝火。加味小柴胡湯。肝經血虛。加味四物湯。腎不能生肝。六味丸。膀胱氣滯。羌活勝濕湯。大抵肝火旺。則肝血虛而筋燥。頸項強急。或腰背反張。或四肢拳攣。或頸項等處結核。

附治驗

一婦人耳內或耳後項側作痛。寒熱口苦。月經不調。此肝膽經火。兼傷脾胃。用四君子湯。升麻黃耆芍藥而愈。後因勞役怒氣。嘔吐脅脹。用六君子湯。加山梔。

柴胡而安。

一婦人因怒寒熱作渴。左目緊小。頭頸動掉。四肢抽搐。遍身疼痛。此血虛肝熱則生風也。用加味逍遙。加鈎藤鈎數劑。諸症漸愈。又用八珍湯而痊。
追風散。治風邪所乘。頭目眩痛。口眼歪斜。牙關緊急。或百節疼痛。鼻塞聲重。項背拘急。皮膚瘙癢。面若蟲行。

川烏炮去皮

白殭蠶炒去絲

防風

石膏煨

川芎

荊芥穗

甘草炙各

羌活

天南星

地龍去土

白附子炮

全蠍去尾

白芷各半

沒藥研

乳香研

草烏炮去皮

雄黃研各一錢

右爲末。每服半錢。用茶清少許。食後。臨臥。調下。

都梁丸。治諸風項背不利。頭目眩暈。腦門作痛。或產前產後傷風。頭目昏重。血

風頭痛。用白芷末蜜丸。彈子大。每服一丸。細嚼。荊芥煎湯下。

木瓜煎

木

瓜 不犯鐵器二
箇取蓋去穢

沒

藥研二兩

乳

香研一兩

右以木瓜去核。入二藥。仍蓋合之。飯上蒸爛。研成膏。每服三匙。生地黃汁半盞。無灰酒和服。有人患此。自午發至夜方止。余曰。此是少陰經症。發必先從足起。蓋足少陰之筋。自足大指起至頭。筋者肝之合也。日中至夜。天之陽。陽中之陰。又曰。陽中之陰。肺也。自離至兌。陰旺陽弱之時。故靈寶畢法云。離至乾。腎氣絕。而肝氣弱。肝肖二臟。受陰氣。故發於是時。予受此方。三服而愈。

附方

瀉青丸

方見二十四
卷第三論

羌活勝濕湯

方見前

六味丸

方見二十四
卷第十一論

八珍湯

加味逍遙散

方見二十四
卷第四論

加味小柴胡湯

方見二十四
卷第二論

加味四物湯

四君子湯

方見二十
四卷第六論

婦人腰痛方論第七

夫腎主於腰。若婦人腰痛。繇腎氣虛弱。外感六氣。內傷七情。皆能致之。如因風邪

所乘。用小續命湯加桃仁、杜仲。如因寒濕所傷。五積散。腎經虛弱。青娥丸。如因氣血凝滯。用牽牛、茴香之類。

愚按陳無擇先生云。若形體虛羸。面色黧黑。腿足痿軟。不能行立。此失志所爲也。腹急脅脹。日視眈眈。宗筋弛縱。白淫下注。此鬱結所爲也。肌肉不仁。飲食不化。腸胃脹滿。閉墜腰脅。此憂思所爲也。皆屬內因。若腰冷作痛。身重不渴。小便自利。飲食如故。因勞汗出。腰痠脅痛。或墜墮血滯。或房勞精竭。皆屬內外因也。竊謂前症失志。腎虛熱者。六味丸。腎虛寒者。八味丸。鬱怒傷肝。實用龍膽瀉肝湯。虛用六味丸。補肝散。憂慮傷脾者。歸脾湯。逍遙散。腎着者。寒則朮附湯。虛則腎着湯。腰膝痛者。寄生湯。養腎散。瘀血滯者。如神湯。舒筋湯。房勞腰痛者。青娥丸。十補丸。

附治驗

一婦人腰痛三年矣。每痛必面青。頭暈目緊。余以爲肝脾氣虛。用補肝散而愈。三年後。因勞役。患頭痛兼惡心。用補中益氣湯。加茯苓、半夏、蔓荊子而愈。

一婦人苦腰痛。數年不愈。余用白朮一味。大劑服。不三月而痊。乃胃氣虛閉之症。

故用白朮也。

如神湯 治男婦腰痛。

延胡索

當歸

桂心等分

右為末。每服二錢。溫酒調。甚者。不過數服。

獨活寄生湯 治足三陰虛。風濕所侵。脚膝歷節作痛。

獨活

桑寄生

續斷酒炒

杜仲薑汁炒

細辛

牛膝酒炒

秦艽

茯苓

白芍藥炒

桂心

川芎

防風

人參

熟地黃自製

當歸

粉草炙各五分

右水煎。

舒筋散 治風寒傷腎。脊作痛。或閃挫氣滯。血瘀亦良。

玄胡索炒

杜仲薑汁炒

官桂去皮

羌活

芍藥等分

右為末。每服二錢。酒調。

又方。橘核炒木香。研酒下。

附方

濟生朮附湯 治寒濕傷腎。腰重冷痛。小便自利。或手足逆冷。

附 子炮

白朮各一兩

杜仲薑炒半兩

右用每服四錢。薑水煎。

三因腎着湯 治腎虛為病。身重腰冷。如水洗狀。不渴而小便自利。飲食如故。腰以下冷痛。如帶數千錢。

茯苓

白朮各四兩

乾薑炮

甘草炙各二兩

右每服四錢。水煎。空心服。

青娥丸 治腎虛腰痛。或外邪所侵。腰腿或筋骨作痛。

胡桃仁二十枚

蒜研膏四兩

破故紙酒浸炒八兩

杜仲去皮薑汁一斤

右為末。蒜膏丸。桐子大。每服五十丸。空心醋湯下。蒜不用亦可。

六味丸

十補丸

八味丸三方見二十四卷第十一論

龍膽瀉肝湯

方見二十四卷論 補肝散方見七卷第十七論

養腎散方見後

歸脾湯

逍遙散二方見二十四卷第四論

婦人腰脚疼痛方論第八

腎主於腰脚。女人胞絡係焉。若勞傷腎氣。風冷客於脈絡。故腰脚作痛也。治當補元氣爲主。佐以祛邪之劑。

愚按前症若真陽衰敗。寒邪乘襲。手足俱冷。頭痛惡寒。或嘔吐腹痛等症。宜用本方。若氣血虛弱。寒邪所感。惡寒發熱。頭痛作渴。或嘔吐腹痛等症。宜用五積散。若元氣虛弱。濕熱所傷。兩脛腫痛。寒熱身疼。或嘔吐不食等症。宜用檳蘇敗毒散。若脾胃虛弱。元氣下陷。寒熱嘔吐。發熱頭痛。喘渴體倦等症。宜用補中益氣湯。若足三陰精血虧損。陰火內動。內熱晡熱。作渴痰甚。小便頻數等症。宜用六味地黃丸。若足三陰陽氣虛敗。惡寒發熱。手足俱冷。吐痰不食。二便滑數等症。宜用八味地黃丸。

附治驗

一婦人先腰胯作痛。後兩腿亦痛。余以爲足三陰虛寒。外邪所傷。用小續命湯。及

獨活寄生湯。或作或止。所用飲食極熱。腹中方快。余曰。邪氣去而元氣虛寒也。診其脈果沉細。用養腎散漸愈。又用十補丸而痊。

一婦人所患同前。但發熱作渴。喜冷飲食。脈洪數。按之遲澀。余以為血虛有熱。用羚羊角散。去檳榔。加白朮。茯苓數劑。更用加味逍遙散而瘥。

一婦人患前症時。或腿膝作痛。脈浮數。按之遲緩。此元氣虛而風濕所乘。用獨活寄生湯頓愈。又用八珍湯而安。

一婦人因怒患前症。寒熱往來。口苦不食。晡熱內熱。余以為肝火血虛。先用小柴胡。山梔頓愈。又用加味逍遙散而瘳。

一婦人患前症。寒熱頭痛。殊類傷寒。此寒邪之症。用檳蘇敗毒散而安。又用補中益氣調補而愈。

骨碎補散 治陽氣虛弱。外寒所侵。腰脚疼痛。腹脅拘急。

骨碎補 炒

草

薛酒炒

牛

膝酒炒

桃

仁去皮

海桐皮

當

歸酒拌

桂

心

檳

榔各五分

赤芍藥 炒

附

子炮

川

芎

枳

殼 各二分

薯蕷水煎。

養腎散 治腎經虛弱。風寒所侵。以致腰脚疼痛。不能步履。

蒼朮 一兩

乾

蠍 三錢

天

麻

草烏頭 炮去尖

黑附子 炮去皮臍 各二錢

右爲末。每服一錢。酒調服。麻痺少時隨愈。孕婦勿服。此治風寒傷腎膀胱虛寒之良藥。用之得宜。殊有神效。

附方

五積散 方見後

檳蘇敗毒散 卷第十論

補中益氣湯 卷第六論

十補丸

六味丸

八味丸 卷第十一論

小續命湯 方見前

獨活寄生湯 方見前

羚羊角散 方見前

加味逍遙散

八珍湯 卷第二論

小柴胡湯 卷第二論

婦人風邪脚氣方論第九

婦人脚氣。乃肝脾腎三經。或胞絡氣虛。爲風毒所搏而患。蓋胞絡屬於腎。主於腰

脚。三經絡脈。起於足中指。若風邪客於足。從下而上。動於氣。故各脚氣皆繇六淫七情。或產後。或經行。風毒相搏。其症或頭痛身熱。肢節作痛。或大便秘結。小便不利。或脚膝緩弱。足脛腫滿。或腰膝枯細。忪悸嘔逆。或小腹不仁。舉體轉筋。或胸滿氣急。遍體酸痛。用香蘇散。加檳榔生薑。若寒中三陽必冷。用小續命湯。若暑中三陰必熱。用小續命湯。去附子。大躁者。紫雪最良。無紫雪。以百合、薄荷煎冷水調服。大便秘。用脾約丸。麻仁丸。三和散。補藥淋洗。皆大禁也。

愚按。嚴用和先生云。前症初患不覺。因風邪乃發。先從脚起。或緩弱痺痛。不能行履。或兩脛腫滿。或足膝細小。或心中怔忡。或小腹不仁。或舉體轉筋。或見食作嘔。或胸滿氣急。遍體酸痛。其脈浮而弦者。因於風。濡而弱者。因於濕。洪而數者。因於熱。遲而濇者。因於寒。男子繇於腎氣虧損。女子血海虛弱。七情所致。竊謂前症。若足三陰虛弱。用還少丹。若脾氣虛寒。用八味丸。若飲食停滯。臀腿痠脹。浮腫作痛。此脾氣下陷。用六君子。少加柴胡。升麻。不應。須用八味丸。若發熱口渴。月經不調。兩腿無力。此足三陰血虛火燥。用六味八味二丸。兼服前症之方。西方之人多患之。因素食乳酪。脾胃壅滯。脛足腫滿。至於南方亦有。因膏粱

厚味。濕熱下注而患者。故古人謂之壅疾。所用之方。多疎通發散之劑。然感於房勞過度。虧損三陰。治法又當以固本爲主。故六物附子。爲元氣虛弱。寒邪內侵之聖藥。所屬各經等方附後。

附治驗

一婦人兩脇赤痛。寒熱口苦。嘔吐懶食。面色青黃或赤。此肝木乘脾土。用小柴胡湯加山梔、茯苓、二劑頓愈。又用六君子湯加柴胡、山梔全愈。

一婦人飲食勞役。兩脇兼腿疼痛。或時寒熱。余以爲脾虛濕熱下陷。用補中益氣湯加山梔、茯苓、半夏。治之而痊。後復作。用六君子湯加柴胡、山梔全愈。

一婦人經行後。寒熱晡熱。兩腿作痛。此肝經血虛也。用加味道遙散加山梔。治之而愈。後因勞。日晡內熱。或用四物、黃柏、知母之類。前症益甚。更加食少作瀉。余以爲元氣下陷。前藥復傷。先用六君子湯加補骨脂二劑。調補脾胃。而瀉止食進。又用補中益氣湯。升舉元氣而痊。

大腹皮散 治脚氣肢節煩疼。心神壅悶。或頭暈喘嗽不食。

大腹皮

紫蘇

木通

桑白皮炒

羌活

荆芥

赤芍藥炒

青皮

木瓜不犯鐵器

獨活各五分

枳殼麸炒一錢

右薑葱水煎。

半夏散 治脚氣上攻。心腹脹滿。飲食不下。嘔吐不止。

半夏薑製

陳皮

人參

大腹皮

桂心各三分

檳榔一錢

赤茯苓

紫蘇各五分

右薑水煎。

桑白皮飲 治兩脚浮腫。小便赤澁。腹脅脹滿。或喘嗽痰湧。嘔吐不食。

桑白皮炒

郁李仁去皮

赤茯苓各一錢

木香

防己酒拌

大腹皮

紫蘇子炒

木通去節

檳榔

青皮各五分

右薑水煎。

附方

大黃左經湯 治四氣乘注足陽明經。以致臃腿作痛。或足脛赤腫。嘔吐不食。大

小便秘結。或惡食喘急。自汗等症。

細 辛

茯苓

羌 活

大 黃煨

甘 草炙

前 胡

枳 殼麸炒

厚 朴薑製

黃 芩炒

杏 仁去皮尖
等分

右每服五錢。薑棗水煎。

麻黃左經湯。治風寒暑濕。乘注足太陽經。以致腰足攣痺。肢節重痛。或增寒發

熱。自汗惡寒。或自汗惡風頭痛。

麻 黃

乾 葛

細 辛

白 朮

茯 苓

防 己酒拌

桂

羌 活

甘 草炙

防 風

右每服半兩。薑棗水煎服。

半夏左經湯。治足少陽經。為風寒暑濕乘注。以致惡寒發熱。腰腿疼痛。或頭目

眩暈。嘔吐不食。或熱悶心煩。腿痺不隨。

半 夏

乾 葛

細 辛

白 朮

麥門冬去心

茯苓

桂枝

防風

乾薑炮

黃芩炒

小草炙

甘草

柴胡

右每服半兩。薑棗水煎。熱悶。加竹瀝。喘急。加杏仁。桑白皮。

六物附子湯 治四氣乘於足太陰經以致骨節煩疼。四肢拘急。自汗短氣。小便

不利。或手足浮腫。

附子炮

桂

防己各四錢

甘草炙二錢

白朮

茯苓各二錢

右每服半兩。薑水煎。

換腿丸 治足三陰經。為風寒暑濕之氣所乘。發為攣痺。緩縱。或上攻胸背。下注

脚膝疼痛發熱。行步艱辛。

薏苡仁

南星

石楠葉

石斛

檳榔

草薢酒拌

川牛膝酒浸

羌活

防風

木瓜各四兩

黃耆炒

當歸酒拌

天麻

續斷酒炒各一兩

右為末。酒糊丸。如桐子大。每服五十丸。鹽湯下。

五積散 治風寒所傷。以致脚氣疼痛。或寒熱拘急。嘔吐不食等症。

當歸酒拌 芍藥炒 川芎 炮薑

人參 茯苓 陳皮 桔梗炒

厚朴薑炒 白芷 蒼朮 半夏薑製

肉桂 麻黃 甘草炒各五分

右薑棗水煎。

當歸拈痛湯 治濕熱為病。肢節類疼。肩背沉重。胸膈不利。或兼遍身作疼。足脛

腫痛不可忍者。或濕熱流注下部。瘡瘍赤腫。

羌活 人參 苦參酒製 升麻

乾葛 蒼朮各一錢 甘草炒 黃芩酒炒

當歸 茵陳酒製各五分 防風 知母酒炒

澤瀉 猪苓 白朮各四分

右水煎服。

紫蘇子湯 治脚氣上攻。陰陽交錯。清濁不分。上重下虛。中滿喘急。嘔吐自汗。無

復紀律。

紫蘇子 微炒

半夏 薑製

前胡

厚朴 薑製

當歸 酒拌

甘草 炙各二兩

桂心

陳皮

右每四錢。入薑棗煎服。

還少丹 方見卷第四論十三

六味丸

八味丸 方見卷第十一論二十四

小柴胡湯 方見卷第二論十四

加味逍遙散 方見卷第四論二十四

六君子湯

補中益氣湯 方見卷第二論二十四

校註婦人良方

宋 臨川 陳自明 夏甫 編輯

明 古吳 薛 己 立齋 補註

鄞縣 曹赤電 炳章 圈校

卷五

婦人勞瘵各症方論第一

夫骨蒸殭殍。復連尸症、勞症、蟲症、毒症、熱症、冷症、食症、鬼症。症者注也。自上注下。與前人相似。故曰注。其變有二十二種。或三十六種。或九十九種。令人沉沉默默。寒熱盜汗。夢與鬼交。遺泄白濁。或腹中有塊。或腦後兩邊有結核。咳嗽膿血。下利羸瘦。死而傳症。甚至滅門。更有蜚尸、遁尸、寒尸、喪尸、尸注。謂之五尸。人爲其症者。不自知所苦。雖有狸骨、獺肝、天靈蓋等方。未嘗見效。唯崔氏灸法。早用有濟。若寒熱自汗。面白目乾。口苦神昏。善恐不能獨臥。傳在肝也。若寒熱面黑。鼻燥善忘。大

便秘瀉。口苦生瘡。傳在心也。若寒熱面青唇黃。舌本硬強。言語不出。飲食無味。羸瘦吐涎。傳在脾也。若寒熱面赤鼻白。乾燥毛折。咯嗽喘急。吐涎膿血。傳在肺也。若寒熱面黃耳焦。脚脛痠痛。小便白濁。遺瀝腹痛。傳在腎也。

愚按前症誠然有之。故葛仙翁用獼肝一具。陰乾杵末。水下方寸匕。日三服。未愈再作。宋宣和間一法師。善考訊鬼怪。時一婦以疾投狀。既而如有鬼祟所附。曰。非我爲患。乃病人命自衰爾。渠今已成蟲食肺。故令吐血聲嘶。又屢掠問彼所畏何物。云以獼爪爲末。酒服之。則去矣。患家如其言得愈。獼爪卽獼肝之類歟。玄珠云。蟲瘵多有兄弟互相傳染。甚至絕戶。此乃冤牽相纏及風水。所以雖有符文法水下蟲之方。然蟲去而人亦亡。若能平素保養。亦可免矣。竊究濟生微旨云。益氣補肺。益精滋腎。皆資其化源也。蓋人之精血常不足。加之數奪其真。資化失常。則胃氣不固。精氣滑脫。不能上接陽氣。故頭重或痛。氣弱而食少。元氣下陷。脈卽微弱。外散欲絕而虛洪。或見損脈。此實元氣不足之所致。非有外感賊邪之病也。

附治驗

一婦人素勤苦。因喪子。飲食少思。忽吐血甚多而自止。此後每勞則吐數口。瘵症已具。形體甚倦。午前以補中益氣。午後以歸脾湯送地黃丸而愈。

一女子患前症。反其唇視有白點。此蟲蝕肺也。余云。急尋獺肝治之。不信。果咳膿而歿。後聞其兄弟三人。皆夭於此症。大凡夕嗽當視其兩唇。若上唇有點。蟲蝕上部。下唇有點。蟲蝕下部。

一二十四種蒸病論新附

所謂勞蒸者。毛折髮焦。肌膚甲錯。其蒸在皮。外熱內寒。身振肉瞤。其蒸在肉。髮焦鼻衄。或復尿血。其蒸在血。身熱煩躁。痛如針刺。其蒸在脈。爪甲焦枯。眼昏脅痛。其蒸在髓。頭眩熱悶。涎濁眵淚。其蒸在腦。男子失精。女子白淫。其蒸在玉房。乍寒乍熱。中腕煩悶。其蒸在三焦。小便赤黃。凝濁如膏。其蒸在膀胱。大便秘泄。腹中雷鳴。其蒸在小腸。大腹隱痛。口舌乾疼。其蒸在大腸。口鼻乾燥。腹脹自汗。睡臥不安。其蒸在胃。口舌耳聾。兩脅下痛。其蒸在膽。裏急後重。肛門秘澁。其蒸在廣腸。小腹疔痛。筋脈縱緩。陽器自強。其蒸在宗筋。眩暈下淚。躁怒不常。其蒸在肝。舌黑氣短。煩

悶灑淅。其蒸在心。唇乾口瘡。胸腹脹悶。畏寒不食。其蒸在脾。咳嗽喘滿。咯痰吐血。聲嘶音啞。其蒸在肺。耳輪焦枯。脚氣酸痛。其蒸在腎。情想不寧。精物時下。其蒸在右腎。心膈噎塞。攻擊疼痛。俛仰煩寃。其蒸在膈。此症蟲多。嚙心肺。治當絕其根也。

愚按醫林集要云。前症若蒸肺。用天麻。門冬。桔梗。紫苑。烏梅肉。若蒸皮。石膏。桑白皮。若蒸氣。喘促鼻乾。身熱不安。人參。黃芩。梔子。若蒸大腸。大黃。芒硝。若蒸心。黃連。生地黃。當歸。若蒸脈蒸血。皆用生地黃。當歸。童子小便。若蒸小腸。赤茯苓。木通。生地黃。若蒸脾。芍藥。木瓜。苦參。若蒸肉。芍藥。若蒸胃。石膏。粳米。大黃。芒硝。乾葛。若蒸膽。柴胡。瓜蒌。若蒸三焦。石膏。竹葉。若蒸肝。川芎。當歸。前胡。若蒸筋。川芎。當歸。若蒸腎。生地黃。石膏。知母。寒水石。藁本。若蒸腦。生地黃。防風。若蒸髓。天門冬。當歸。生地黃。若蒸骨。鼈甲。地骨皮。當歸。牡丹皮。生地黃。若蒸玉房。知母。黃柏。當歸。芍藥。若蒸脬。澤瀉。茯苓。生地黃。沉香。滑石。若蒸膀胱。澤瀉。滑石。凡此諸蒸。多因熱病食肉。與油膩房勞飲酒而成者。久蒸不除。變爲疝症。卽死。亦有瘧病久而不愈。以致咳嗽失治。漸成骨蒸勞瘵之症。當推標本而治之。

崔氏灸骨蒸勞瘵。用細繩一條。男左女右。從足大拇指頭齊量起。從脚板底當脚

跟中心。向後引繩。循脚肚貼肉。直上至曲臂中橫紋截斷。又令患人解髮分兩邊。見頭縫自顙門平分至腦後。乃平身正坐。取前所截繩。一頭從鼻端齊引繩向後。正循頭縫至腦後貼肉垂下。循脊骨引繩向下。至繩盡處。當脊骨以黑點記。此黑點不穴。是灸別取一蠅。令患人合口。將繩按於口上兩頭。至吻却鈎起。繩中心至鼻端根下。如人字樣。齊兩吻截斷。將此繩展直於前在脊骨上黑點處。取中橫量。勿令高下。於繩兩頭。以白圈記之。此是灸穴初灸七壯此名患門穴。初灸此訖。次令其人半身正坐。稍縮臂膊。取一繩。遶項向前雙垂。與鳩尾齊。鳩尾是心歧骨無是歧骨者。胸前兩歧骨間量取一寸。即疑也。即截斷。却背翻繩頭向項後。以繩中停取心正。令當喉嚨結骨上第二次墨點處。摺中橫量繩兩頭。以白圈記之。此是灸穴初灸七壯至百壯又將第二次量口繩摺中。當脊直上下豎停中心。在第二次墨記。上下繩頭盡處。以白圈記之。此是灸穴初灸七壯至百壯此縱橫四方凡四穴。是名曰四花穴。初灸各七壯。若瘡愈。其疾未效。依法復灸。故云累灸至百壯。凡灸時可用灸足三里以瀉其火為好若婦人纏足短小。難為量。只取膏盲踰灸之。在第四椎下兩傍各三寸是穴次灸四花穴。道軒用此法灸之。無有不效者。

神仙秘法 取勞蟲須先擇良日。焚香禱祝。令病人面向福德方服。神效。

青桑枝

楊柳枝

梅枝

桃

枝俱向東者各七莖

葱 白七莖

青蒿一握如無子代

阿魏一錢

真安息香一錢

右用童便一升半。煎一升。入阿魏。再煎數沸。入硃砂半兩。小檳榔半兩。麝香半錢。五更并天明。各進一服。下白蟲尚可治。以淡粥補之。用藥調理三五月再服。以除病根。如蟲黑。已入腎。不可救矣。

治心胸痛引兩脅。昏悶聲濁。熱壅鼻衄。或痰喘發熱。

桑白皮炒

枳殼麵炒

木通

子芩炒

生地黃

白芍藥

甘草各五分

用水煎服。

溫金散 治肺嗽惡寒。發熱唾痰。皮毛焦燥。

甘草炒

黃芩炒

桑白皮炒

防風各一兩

杏仁二十粒製

人參

茯苓各半兩

麥門冬三錢

右前五味。用米泔浸一宿。曬乾。入人參等三味。每服三錢。入蠟一豆大。水煎。

桔梗飲子 治心氣不足。解倦溢血。或喘嗽痰甚。

桔梗炒

甘草炒

黃耆炒

人參

麥門冬各一錢

青皮三分

右用水煎服。

治咽喉痛。

百藥煎去黑皮

鵬砂

甘草

生白礬等分

右為末。每服一二錢。食後。用米飲調。細呷嚥之。

含化丸 治肺間邪氣。胸中積血作痛。失音痰喘。

蛤蚧一隻去足炙

訶子去核

阿膠粉炒

麥門冬去心

細辛 甘草炒

生地黃各半兩

右為末。蜜丸。芡實大。食後含化一丸。

河車丸 治一切勞瘵虛損。骨蒸等疾。

紫河車一具初生男胎者尤良洗淨杵煨本草云人肉治瘵病胞衣主勞損面黧皮黑諸疾瘦悴

白茯苓半兩

人參一兩 乾山藥二兩

右為末。麵糊和入河車。加三末。丸梧子大。每服三五十丸。空心。米飲下。噉甚。五

味子湯下。

補肺湯 治勞嗽五臟虧損。喘熱發熱。盜汗自汗。唾痰喘嗽。

桑白皮炒

熟地黃錢各一

人參

紫苑

黃耆炙

五味子五分

用水煎。入蜜少許。食後服。

養正膏 治傳尸出汗。取蟲辟邪。

鼈甲醋炒一兩

青蒿一握

淡豆豉粒三七

葱白兩莖

安息香研一分

桃柳桑枝各七

天靈蓋用七豆大

仁皮尖雙仁四十九箇去

右隔夜以水一升。浸至五更。煎至半升。入童便半升。煎取四合。調檳榔麝香末

各一分。日高時頓服。以衣覆十指。汗出如藕絲。瀉下如蟲狀。甚者旬日再服。

阿膠丸 治勞嗽出血咯血。發熱喘熱。口渴盜汗。

阿膠炒

生地黃

卷柏葉

山藥炒

大薊根

五味子杵炒

鷄蘇各一

柏子仁炒

人參

防風

麥門冬去心各

右爲末。煉蜜丸。彈子大。每服一九。細嚼。麥門冬煎湯下。

四君子湯。加秦艽、黃蠟。水煎服。尤妙。治勞嗽咯血。

神授散。治傳尸蟲。用川椒二斤去核。并合口者。炒爲末。每服四錢。麵糊丸。空心

米飲下。服盡見效。

蘇合香丸。治傳尸骨蒸。勞瘵疰疔。鬼氣心痛。方見三卷第四論

附方

四君子湯。方見二十四卷第五論 補中益氣湯。方見二十四卷第六論 歸脾湯。方見二十四卷第四論

六味地黃丸。方見二十四卷第十一論

婦人骨蒸勞方論第一

夫骨蒸勞。由積熱附於骨而名也。亦曰傳尸。殭殭。復連無辜。其名不一。此病皆由脾胃虧損所致。其形羸瘦。腹脹泄痢。肢體無力。傳於腎則盜汗不止。腰膝冷痛。夢鬼交侵。小便赤黃。傳於心則心神忪悸。喜怒不時。頰唇赤色。乍寒乍熱。傳於肺則胸滿短氣。咳嗽吐痰。皮膚甲錯。傳於肝則兩目昏暗。脅下妨痛。閉戶忿怒。五臟既

病。則難治療。

愚按前症多因經行胎產。或飲食起居七情。而傷肝脾之所致。又或失於調攝。或過於攻伐而成。東垣先生云。發熱之症。肺熱者。輕手乃得。微按全無。日西猶甚。乃皮毛之熱。其症喘嗽寒熱。輕者用瀉白散。重者涼膈散。白虎湯。地骨皮散。心熱者。微按之。皮膚之下。肌肉之上。輕手乃得。微按至皮毛。則熱少。加力按之。則全不熱。是熱在血脈也。日中太甚。其症煩心。心痛。掌中熱。而噦。用黃連瀉心湯。導赤散。硃砂安神丸。脾熱者。輕手捫之不熱。重手按至筋骨。又不熱。不輕不重。在輕重之間。此熱在肌肉。遇夜猶甚。其證怠惰愛臥。四肢不收。無氣以動。用瀉黃散。肝熱者。按之肌肉之下。至骨之上。寅卯時猶甚。四肢滿悶。便難轉筋。多怒多驚。筋痿不能起於床。用瀉青丸。柴胡飲。腎熱者。輕手重按俱不熱。加重手按至骨分。其熱蒸手如火。其症骨蒸如蟲蝕。困熱不能起於床。用滋腎丸。此治實熱之法也。竊謂肺經虛熱者。用人參補肺湯。脾氣虛而不能生肺者。用六君子湯。脾熱遺於肺者。用三黃丸。心經虛熱者。用補心湯。命門火衰不能生土者。用八味丸。肝虛不能生心者。用補肝散。腎尅心者。用附子理中湯。脾經虛熱者。

用人參黃耆散。土尅水者。用承氣湯。脾不能培肝者。用六君子湯。元氣下陷。及金不能生水者。俱用補中益氣湯。肺尅脾。及腎經虛熱。與腎不能生肝者。俱用六味丸。

附治驗

一婦人發熱晡熱。盜汗自汗。殊畏風寒。飲食少思。或腹脹吞酸。或大便不實。此脾胃不足。諸經虧損。朝用補中益氣。夕用八珍湯。倍用參苓白朮。各二十餘劑。諸症漸愈。因喪母哀傷。患盜汗便血。用加味歸脾湯。數劑而止。仍用前二藥。又五十餘劑。尋愈。月經兩月而至。適因怒去血過多。發熱作渴。肢體酸倦。頭目暈痛。用逍遙散。加味歸脾湯。二藥調補而痊。

一婦人盜汗自汗。遍身酸疼。五心發熱。夜間益甚。或咳嗽咽乾。或盜汗自汗。月經兩三月一至。用加味逍遙散。六味地黃丸兼服。臨臥又服陳朮丸。三月餘。諸症悉愈。其經乃兩月一至。又服兩月而痊。陳朮丸即陳皮朮朮為丸

一婦人患前症。食少倦怠。肌肉消瘦。日晡發熱。至夜益甚。月水過期。漸至不通。時發渴躁。誤用通經之劑。熱倦愈重。飲食愈少。余用八珍湯。加升麻。丹皮。山梔。柴

胡治之。熱漸退。又用八珍、丹皮、軟柴胡調理而愈。

一婦人飲食少思。胸膈不利。或胸中作痛。或大便作瀉。或小便不利。用逍遙散。加山梔、茯苓、遠志、木香而愈。後因怒寒熱往來。倦怠煩熱。以前藥加炒黑黃連三分頓愈。用八珍湯調理而愈。後因怒吐血躁渴。用人參五錢、苓、朮、當歸各三錢。陳皮、甘草各一錢治之而愈。

一婦人胸脅作痛。內熱晡熱。月經不調。余謂鬱怒傷損肝脾。朝用歸脾湯。以解鬱結。生脾氣。多用加味逍遙散。以生肝血。清肝火。半載而愈。後因飲食失調。兼有怒氣。月經如注。脈浮洪而數。用六君子加芎、歸、炮薑一劑而血止。用補中益氣加炮薑、茯苓、半夏治之。而元氣復。又用歸脾湯。逍遙散。調理而康。

一婦人內熱口乾。頭暈吐痰。帶下體倦。飲食少思。余謂脾氣虛弱而不能生肺金。用補中益氣湯。加茯苓、半夏。脾氣漸復。飲食漸進。諸症漸退。再用加味逍遙散治之。尋愈。

一婦人腹脹脅痛。內熱晡熱。月經不調。不時吐痰。或用化痰行氣之劑。胸膈不利。余爲脾氣鬱結。肝經血虛。朝用歸脾湯。夕用加味逍遙散。百餘劑而諸症漸愈。

又因飲食停滯。或用酸補之劑。口乾脾倦。余用七味白朮散。補中益氣。加茯苓。半夏。中氣漸愈。又以補中益氣。及八珍湯兼服而痊。

一婦人患前症將愈。因怒胸膈不利。飲食少思。服消導利氣之藥。大便下血。余曰。此脾氣復損。不能攝血歸源。用補中益氣。加茯苓。半夏。炮薑。血止。用八珍加柴胡。炒梔。熱退。用八珍湯。逍遙散而痊。

一婦人肌體倦瘦。口乾內熱。盜汗如洗。日晡熱甚。用參耆歸朮茯苓神遠志棗仁麥門五味丹皮龍眼肉炙草柴胡升麻。治之獲痊。後因喪子。懷抱不舒。腹脹少寐。飲食少思。痰涎上湧。月經頻數。余爲怒悶傷脾。不能攝血。制涎歸源耳。用補中益氣。濟生歸脾。漸愈。又用八珍湯調理而痊。

一婦人發熱口乾。月經不調。肢體無力。腿痛體倦。二膝浮腫。余作足三陰經血虛。用六味丸。逍遙散。兼服兩月。形體漸健。飲食漸進。肢體漸消而痊。

一婦人日晡益甚。月水不調。飲食少思。大便不實。胸脇痞滿。頭目不清。肢體倦怠。發熱煩躁。余爲七情肝脾虧損之症。用濟生歸脾湯。加味逍遙散。補中益氣湯。調治元氣。漸復而愈。

一婦人月經不調。晡熱內熱。飲食少思。肌體消瘦。小便頻數。或用清熱生血之劑。月經不行。四肢浮腫。小便淋瀝。余朝用金匱加減腎氣丸。夕用歸脾湯漸愈。又用八珍湯。兩月而愈。

一婦人胸脅膨滿。小腹悶墜。內熱晡熱。飲食不甘。體倦面黃。日晡則赤。灑淅惡寒。此脾肺氣虛。先用六君子加川芎當歸。諸症漸愈。又用補中益氣加茯苓半夏。諸症全愈。後飲食失節。勞怒惡寒發熱。不食用加味小柴胡。二劑而熱退。用逍遙散歸脾湯調理而康。

天靈蓋散 治骨蒸四肢無力。晡熱頰赤。食少心煩。

天靈蓋 酥炙

安息香

地骨皮

當歸

山梔仁

人參

貝母 去心

黃耆

桃仁

去皮尖雙

黃檳

榔 各一兩

鱉

甲 醋炙

柴胡

生地黃

赤茯苓

麥門冬

阿魏

右每服五錢。桃柳枝各七寸。薑五片。葱白五寸。童便煎。愚按醫學綱目云。柴胡本經並無一字治勞熱。今治勞方。鮮有不用者。誤世多。

矣。凡此症乃真臟虧損而虛熱。王海藏先生云。苟非實熱而用柴胡。不死何待。蓋柴胡乃肝膽之藥。雖能升胃氣下陷。每劑不過分許。而可多用哉。產後氣血虛熱。尤宜禁忌。

癩肝丸 治骨蒸勞熱。或漸熱發熱。體瘦煩疼。不欲飲食。

癩 肝一箇

鱉 甲酒炙

柴 胡各一

硃 砂另研

桃 仁

去皮尖雙升

麻

天靈蓋酥炙

犀 角鑿

梔子仁炒

地骨皮

知 母各一

黃 耆炒

甘 草五錢各

麝 香一錢

右為末。煉蜜丸。桐子大。每服三十九。空心食前。

治肝臟中風。心神煩熱。言語蹇澁。不得安臥。

竹 瀝

荆 瀝

葛 根

生薑汁

白 蜜各一

右和勻。頻服之。

麻黃散 治心臟中風。多汗惡風。善怒。心神顛倒。言語蹇澁。舌強口乾。面赤頭痛。

翕翕發熱。胸背拘急。手心熱甚。偃臥不側。忪悸恍惚。或寒顫。心驚悸。口喎。冒昧好笑。

麻黃去節

白朮

防風

川芎

甘草

漢防己

當歸

人參

各一錢

羌活

遠志去心

茯苓去木各一錢半

升麻八分

桂心半錢

右水薑煎。入竹瀝半盞。再煎一二沸。

茯神散 治同前。或四肢沉重。精神不安。或痰氣不利。

茯神去木

羌活

麻黃去節

龍齒另研

赤芍藥

甘草炙各一錢

蔓荊子

薏苡仁

麥門冬去心

人參去蘆

防風去蘆

犀角屑各半

右薑水煎服。

十全大補湯 治氣血虛熱。加柴胡、地骨皮、秦艽。

秦艽散 治五心煩熱頰赤。

逍遙散 治血虛五心煩熱。肢體疼痛。頭目昏重。心忪頰赤。口燥咽乾。發熱盜汗。
減食嗜臥。月水不調。臍腹脹痛。寒熱如瘧。痰嗽潮熱。肌體羸瘦。漸成骨蒸。方見
四卷第
四論

枳殼散 治婦人手足煩熱。盜汗肌痒。經候不調。煩倦。心胸滿悶。狀如勞氣。

枳殼去穰 枳殼去穰 半夏 赤芍藥 柴胡

黃芩炒 各一兩

右爲末。每服三錢。薑棗水煎服。

華陀解勞生肌。進食活血。養心。石膏每服水和錢許。甚驗。

青蒿散 治體倦虛疹勞熱。九月採青蒿去梗。用童子小便。浸三日。曬爲末。每服

二錢。烏梅一箇。煎湯調服。

清心蓮子飲。參蘇飲加黃芩。麥門冬。並治五心煩熱。手足熱甚。

附方

加味小柴胡湯方見二十四
卷第二論

柴胡飲 治肌熱積熱。或汗後餘熱。脈洪實弦數。

柴胡

人參

黃芩

芍藥

甘草

當歸

大黃煨各二錢半

用薑水煎服。

瀉白散 治肺臟氣實。心胸壅悶。咳嗽煩喘。大便不利。

桔梗炒

地骨皮

甘草炙

瓜蒌仁

升麻

半夏薑製

桑白皮炒

杏仁去皮尖

右每服四錢。薑水煎。

導赤散 治心虛蘊熱。小便赤澁。或成淋瀝。口舌生瘡等症。

生地黃

木通

甘草等分

右每服三錢。竹葉水煎。

瀉黃散 治脾熱口臭。咽乾。或口舌生瘡。發熱作渴。

石膏

防風

藿香等分

甘草

山梔子炒

右每服三錢。水煎。

涼膈散 治上焦積熱。煩躁作渴。頭目昏噴。咽喉腫痛。便溺赤澁。語言譫妄等症。

大黃

朴硝

甘草 各二兩

連翹 四兩

梔子仁 炒

黃芩 炒

薄荷葉 各一兩

右為末。每服二三錢。竹葉七片。水煎溫服。

白虎湯 治胃熱作渴。暑熱尤效。又治熱厥腹滿。身難轉側。面垢譫語。遺溺。手足

厥冷。自汗。脈沉滑。大便泄瀉。清水無度。

知母

石膏 各二錢

粳米 半合

右水煎服。

附子理中湯 治脾胃虛寒。手足厥冷。飲食不入。或腹鳴切痛。嘔逆吐瀉。方見二卷

論八

硃砂安神丸 方見三卷 地骨皮散 方見六卷

黃連瀉心湯 單用黃連為末。每二錢白湯調下。

瀉青丸 方見二十四卷

承氣湯 方見七卷 滋腎丸 方見八卷

人參補肺湯 方見二十四卷

三黃湯 方見八卷

補中益氣湯

六君子湯 方見二十四卷

補心湯

方見三卷第十二論

補肝散

方見七卷第十七論

六味丸

方見二十四卷第十七論

人參黃耆湯

方見十三卷第十論

八珍湯

方見二十四卷第四論

加味逍遙散

方見二十四卷第四論

八味丸

方見二十四卷第十七論

逍遙散

歸脾湯

加味歸脾湯

三方見二十四卷第四論

七味白朮散

方見二十四卷第二論

金匱加減腎氣丸

方見二十一卷第十論

婦人血風勞氣方論第二

婦人血風勞症。因氣血素虛。或產後勞傷。外邪所乘。或內有宿冷。以致腹中疼痛。四肢酸倦。發熱自汗。月水不調。面黃肌瘦。當調補肝脾氣血為主。

愚按。東垣云。喜怒不節。起居不時。有所勞傷。皆損其氣。氣衰則火旺。火旺則乘其脾土。脾主四肢。故困熱懶言。動作喘乏。表熱自汗。心煩不安。當病之時。宜安心靜坐。存養其氣。以甘寒瀉其熱氣。以酸味收其散氣。以甘溫補其中氣。經言勞者溫之。損者溫之。要略云。平人脈大為勞。以黃耆建中湯治之。

附治驗

一婦人勞則足跟熱痛。余以爲足三陰血虛。用聖愈湯而痊。後遍身搔癢。誤服風藥。發熱抽搐。肝脈洪數。此肝家血虛。火盛而生風。以天竺、膽星爲丸。用四物、麥門、五味、芩、連、炙草、山梔、柴胡煎送而愈。

一婦人素清苦。勤於女工。因感風邪。自用表散之劑。反朝寒暮熱。自汗盜汗。形氣虛甚。其脈或浮洪。或微細。其面或青白。或痿黃。此邪去而氣血愈虛也。用十全大補湯。三十餘劑。漸愈。又用加味逍遙散。兼治半載而痊。

人參荆芥散。治遍身疼痛。頭昏目澁。心忪煩倦。寒熱盜汗。頰赤口乾。痰嗽胸滿。月水不調。腹痛癖塊。

荆芥

人參

生地黄

柴胡

鱉甲醋炙

酸棗仁炒

枳殼麸炒

羚羊角鎊

白朮各七

川芎

當歸酒拌

桂心

防風

甘草各五

右薑水煎。日二服。

地黃煎。治血虛心忪發熱。

生地黄

熟地黄自製五分

右用薑汁和水拌杵丸。桐子大。每服五十九。空心。白湯下。日三服。若臟腑虛寒。早間先服八味丸一服。

愚按前方肝脾血虛發熱。內熱晡熱。盜汗作渴。體倦。筋骨疼痛。筋脈拘攣。血虛發躁。虛熱生痰。咳嗽之良劑。若因肝脾腎精血。躁熱生痰。胸膈痞滿。喘咳作渴。及一切虛火症。必用六味丸為主。

乞力伽散 治血虛肌熱。或脾虛蒸熱。或內熱寒熱。

白朮

白茯苓

白芍藥炒各一錢

甘草炒五分

右薑棗水煎。

附方

黃耆建中湯 方見二十四卷第四論

聖愈湯 方見二十四卷第九論

四物湯 方見二十四卷第六論

六味丸

加味逍遙散 二方見二十四卷第四論

六君子湯

補中益氣湯 二方見二十四卷第六論

歸脾湯

十全大補湯 二方見二十四卷第四論

人參養榮湯 方見二十四卷第三論

八味丸 方見二十四卷第十一論

婦人冷勞方論第四

婦人冷勞。屬血氣不足。臟腑虛寒。以致臍下冷痛。手足時寒。月經失常。飲食不消。或時嘔吐。惡寒發熱。骨節痠疼。肌膚羸瘦。面色痿黃也。

愚按前症有內外真寒。然有內外真熱。亦有內真熱而外假寒者。亦有內真寒而外假熱者。若飲食難化。大便不實。腸鳴腹痛。飲食畏寒。手足逆冷。面黃嘔吐。畏見風寒。此內外真寒之症也。宜用附子理中湯以回陽。八味地黃丸以壯火。若飲食如常。大便堅實。胸腹痞脹。飲食喜冷。手足煩熱。面赤嘔吐。不畏風寒。此內外真熱之症也。宜用黃連解毒湯以消陰。六味丸以壯水。若飲食如常。大便堅實。胸腹痞脹。飲食喜寒。手足逆冷。面黃嘔吐。畏見風寒。此內真熱而外假寒也。亦用解毒湯。六味丸。若飲食少思。大便不實。吞酸噯氣。胸腹痞滿。手足逆冷。面赤嘔吐。畏見風寒。此內真寒而外假熱也。亦用附子理中湯與八味丸。當求其屬而治之。經曰。益火之源以消陰翳。壯水之主以制陽光。使不知真水火之不足。泛以寒熱藥治之。則舊疾不去。新病復生矣。夫所謂屬者獨主也。謂心腎

也。求其屬也者。言水火不足。而求之於心腎也。火之源者。陽氣之根。卽心是也。水之主者。陰氣之根。卽腎是也。非謂火爲心。原爲肝。水爲腎。主爲肺也。大抵寒亦抑心。熱亦強腎。在治者審之。

附治驗方藥

一、婦人食少作嘔。口吐痰涎。面黃腹痛。月經不調。手足逆冷。余謂此內外俱寒之症。遂以六君加附子、木香治之而愈。

先太宜人。忽嘔吐酸水。內熱作渴。飲食不進。惟喜冷水。面色青赤。投之以藥。入口卽吐。此內外真熱之症。積十餘日。以黃連一味煎湯飲之。徐加白朮、茯苓。仍加陳皮、當歸、灸草。至月餘始進米飲稀粥。調理而愈。

一婦人內熱作渴。大便秘結。畏惡風寒。手足逆冷。余以爲內真熱而外假寒。先用黃連解毒湯。後用六味丸而愈。

一大方室趙氏。初患痰喘熱渴。醫以降火散氣治之。肌日削而氣日索。延至甲辰。木旺痰盛。身熱口腐。腹脹神昏。絕食幾死。先生診之云。此乃虛熱無火。投以壯水生土之劑。隨服隨愈。

八味丸

黃連解毒湯方見六卷第十一論

六味丸

二方見二十四卷第十一論

六君子湯

方見二十四卷第六論

附子理中湯

方見二十四卷第八論

校註婦人良方 卷五 衆疾門 婦人冷勞方論第四

校註婦人良方

宋 臨川 陳自明良甫編輯
明 古吳 薛 己立齋補註

鄞縣 曹赤電炳章圈校

卷六

婦人熱勞方論第一

婦人熱勞。由心肺壅熱。傷於氣血。以致心神煩躁。頰赤頭疼。眼澀唇乾。口舌生瘡。神思昏倦。四肢壯熱。食飲無味。肢體酸疼。心怔盜汗。肌膚日瘦。或寒熱往來。當審其所因。調補氣血。其病自愈矣。

愚按前症乃壯火食氣。虛火煎熬真陰之所致也。王太僕云。如大寒而甚。熱之不熱。是無火也。熱來復去。晝見夜伏。夜發晝止。是無火也。當治其心。如大熱而甚。寒之不寒。是無水也。熱動復止。倏忽往來。時動時止。是無水也。當助其腎心。

盛則生熱。腎盛則生寒。腎虛則寒動於中。心虛則熱收於內。竊謂前症。若肝脾血虛。用四物、參、朮。肝脾鬱怒。小柴胡、合四物湯。脾胃氣虛。補中益氣湯。肝脾血虛。加味道遙散。肝經風熱。加味小柴胡湯。心經血虛。天王補心丹。肺經氣虛。人參補肺湯。肝經血虛。加味四物湯。大抵午前熱屬氣分。用清心蓮子飲。午後熱屬血分。用四物、參、朮、丹皮。熱從左邊起。肝火也。實則四物、龍膽、山梔。虛則四物、參、朮、黃耆。熱從臍下起。陰火也。四物、參、朮、黃柏。知母酒拌炒黑。五味、麥門、肉桂。如不應。急用加減八味丸。不時而熱。或無定處。或從脚心起。此無根虛火也。用加減八味丸。及十全大補湯。加麥門、五味主之。

附治驗

一 婦人經行不調。飲食少思。日晡熱甚。余以爲肝脾氣血俱虛。用十全大補。加山茱、山藥、丹皮、麥門、五味而愈。次年秋。寒熱如瘧。仍用前藥而愈。

一 婦人生育多胎。月經不調。兩足發熱。年餘。其身亦熱。勞則足痠痛。又年許。脣腫裂痛。又半年。脣裂見血。形體瘦倦。飲食無味。月水不行。此氣血俱衰之症。彼誤用通經丸等藥。復傷氣血。遂致不起。惜哉。

黃耆散 治發熱羸瘦心躁口乾不欲飲食或盜汗晡熱。

人參

黃芩炒焦

當歸各三錢

柴胡五分

黃耆炒

地骨皮

白茯苓

麥門冬去心

生地黃

白芍藥炒各一錢

甘草炒三分

右水薑煎。

猪肚丸 治熱勞羸瘦。

柴胡

赤茯苓

人參

黃耆各一兩

黃連炒三兩

地骨皮

木香各五錢

桃仁去皮

鱉甲各一兩

右為末。用嫩猪肚一枚。入藥縫合。蒸熟研爛。丸桐子大。每服三五十丸。食前米

飲下。日二服。

附方

清心蓮子飲 治熱在氣分。口乾。小便白濁。夜間安靜。晝則發熱。又治口舌生瘡。

或口苦咽乾。煩躁作渴。小便赤澀。下淋不止。或莖中作痛。

黃芩炒

麥門冬去心

地骨皮

車前子炒

甘草各一錢半

石蓮肉

茯苓

黃耆炒

柴胡去苗

人參各一錢

右每服五錢。水煎。

補中益氣湯

加味四物散

四物湯三方見二十卷第六論

加味小柴胡湯

小柴胡湯二方見二十卷第二論

十全大補湯

加味逍遙散二方見二十卷第四論

天王補心丹。寧心保神。益血固精。壯力強志。令人不忘。清三海。化痰涎。祛煩熱。

除驚悸。療咽乾。育養心神。

人參去蘆

茯苓

玄參

丹參

桔梗

遠志各五錢

當歸酒浸

五味

麥門冬去心

天門冬

柏子仁

酸棗仁炒各一兩

生地黃四兩

右爲末。煉蜜丸。桐子大。用硃砂爲衣。每服二三十丸。臨臥。竹葉煎湯送下。

方。多石菖蒲、熟地黃、杜仲、百部、茯苓、甘草。此方內天麥門冬、玄參、生地。雖能降火。生血化痰。然其性沉寒。損傷脾胃。尅伐生氣。若人飲食少思。大便不實者。不宜用。

人參補肺湯

方見二十四卷第十二論

加減八味丸

方見二十四卷第十一論

婦人客熱方論第二

婦人客熱。由元氣虛而外熱乘之。以致口燥心煩。四肢壯熱。肌肉消瘦。治法當審其因而調補之。

愚按前症若客邪所侵。用補中益氣。加川芎、防風。肝虛血少。六味地黃丸。胃火飲冷。錢氏瀉黃散。胃虛飲湯。七味、白朮散。潮熱時熱。八珍湯。晡熱內熱。逍遙散。發熱體倦。補中益氣湯。恚怒發熱。小柴胡湯。鬱怒發熱。加味歸脾湯。寅卯酉戌時熱。升陽益胃湯。

附治驗

一婦人素有胃火。服清胃散而安。後因勞役。燥渴內熱。肌肉消瘦。月經不行。此胃

火消鑠陰血。用逍遙散。加丹皮、炒梔以清胃熱。用八珍湯、加茯苓、遠志以養脾血。元氣充足。而經自行矣。

麥門冬散 治四肢倦痛。煩悶不食。或寒熱往來。

麥門冬 去心

柴胡

赤茯苓

羚羊角 鑊

赤芍藥

桑白皮 炒

黃耆 炒各四分

生地黄

甘草 炒各三分

右薑水煎。

附方

補中益氣湯 方見二十四卷第六論

六味丸 方見二十四卷第十一論

瀉黃散 方見五卷第三論

七味白朮散 方見二十一卷第二論

八珍湯

加味歸脾湯

逍遙散 三方見二十四卷第四論

小柴胡湯 方見二十四卷第二論

升陽益胃湯 見三卷第九論

清胃散 見二十四卷首論

婦人寒熱方論第二

經曰。陽不足則先寒後熱。陰不足則先熱後寒。皆由勞傷氣血。陰陽不調。寒熱如瘧也。當分氣血虛實而治之。

愚按前症若寸口脈微。名曰陽不足。則陰氣上入於陽中。用補中益氣湯。若尺部脈弱。名曰陰不足。則陽氣下陷入陰中。用益陰腎氣丸。若因氣血俱虛。用八珍湯。若因怒動肝火。用小柴胡湯。若陰陽俱不足。則氣血不歸其本部。以致寒熱交爭也。

附治驗

一婦人年六十有四。久鬱怒。頭痛寒熱。春間乳內時痛。服流氣飲之類。益甚。時有血如經行。又大驚恐。飲食不進。夜寐不寧。兩乳腫脹。兩脇焮痛。午後色赤。余以為肝脾鬱怒。火躁。先以逍遙散。加酒炒黑龍膽一錢。山梔一錢五分。服二劑。腫痛頓愈。又二劑全愈。再用歸脾湯。加炒梔。貝母。諸症悉愈。

地骨皮散

治血風氣虛。時作寒熱。或晡熱內熱。

柴胡

地骨皮兩各一

桑白皮炒

枳殼麩炒

前胡

黃耆炒各五分

白茯苓

五加皮

人參

甘草

桂心

白芍藥各三分炒

用薑水煎服。

柴胡散 治寒熱體痛。口乾心煩。飲食少思。肌體消瘦。

柴胡

黃耆炒

赤茯苓

白朮各一錢

人參

地骨皮

枳殼剉炒

生地黄

苦梗

桑白皮炒

赤芍藥各三分

鱉甲炙二錢

麥門冬去心一錢

甘草三分

用薑水煎服。

益陰腎氣丸 治諸臟虧損。發熱晡熱。潮熱盜汗。或寒熱往來。五心煩熱。或口乾

作渴。月經不調。或筋骨痠倦。飲食少思。或頭目不清。痰氣上壅。咳嗽晡甚。胸膈

痞悶。或小便赤數。兩足熱痛。或脚足痿軟。肢體作痛等症。此壯水之主。以制陽

光之劑也。

澤瀉

茯苓

生地酒拌膏

牡丹皮

山藥

茱萸肉

當歸

五味子炒拌

熟地自製
地杵膏

右爲末。入二膏。加煉蜜。丸桐子大。硃砂爲衣。每服五十丸。空心。淡鹽湯下。
補中益氣湯方見二十四
卷第六論 六味丸方見二十四
卷第十一論 小柴胡湯方見二十四
卷第二論 八珍湯 逍遙散 歸脾湯三方見二十
四卷第四論

寡婦寒熱如瘧方論第四

倉公傳與褚氏論。皆云師尼寡婦。獨陰無陽。慾心萌而不遂。是以懨懨成病。以致乍寒乍熱。而類瘧狀。久則爲勞。又有經閉白淫。痰逆頭風。膈氣痞悶。面黧瘦瘠等證。皆寡婦之病。診其脈。獨肝脈弦出寸口。而上魚際。皆血盛而致。經云。男子精盛則思室。女人血盛則懷胎。觀其精血。思過半矣。

愚按。前症若肝脈弦出魚際。用生地黃丸。血虛。佐以四物湯。若兼怒動肝火而寒熱。佐以加味逍遙散。若虧損肝經而寒熱。佐以八珍湯。若虧損元氣而寒熱。佐以補中益氣湯。若鬱傷脾氣而寒熱。佐以濟生歸脾湯。

附治驗

一寡婦不時寒熱。脈上魚際。此血盛之症。用小柴胡湯。加生地黄治之而愈。但畏風寒。此脾胃氣虛。用加味歸脾補中益氣。二湯兼服而止。

一婦人因夫久出經商。發寒熱。月經旬日方止。服降火涼血藥。內熱益甚。自汗盜汗。月經頻數。余曰。內熱自汗。乃脾氣虛弱也。月經頻數。乃血不歸脾也。用歸脾湯。六味丸而愈。

一室女寒熱。肝脈弦長而出寸口。用小柴胡湯。加生地。烏梅治之而愈。既嫁而諸症悉痊。

一室女久患寒熱。月經失期。以小柴胡湯。加生地。治之少愈。更以生地黄丸而痊。生地黄丸。許學士云。有一師尼惡風體倦。乍寒乍熱。面赤心煩。用大小柴胡湯雜進。其病益劇。予診視之曰。三部脈無寒邪。但肝脈強長而上魚際。服此丸而愈。

柴胡

秦艸

黃芩各半

生地黄一兩
酒

赤芍藥一兩

右爲末。煉蜜丸。桐子大。每服三十九。烏梅湯下。日三服。

附方

補中益氣湯

四物湯二方見二十卷第六十

加味逍遙散

八珍湯

加味歸脾湯

歸脾湯四方見二十卷第四十

小柴胡湯方見二十卷第二十四

六味丸方見二十一卷第十四

婦人惡寒方論第五

婦人惡寒。有陰陽二證。發熱而惡寒者。發於陽也。無熱而惡寒者。發於陰也。發於陽者。脈浮數。宜解表。發於陰者。脈沉細。宜溫裏。凡惡寒不可過覆衣被。及近火熱。若寒熱相搏。令人寒甚。若寒氣入腹。血氣結聚。最難治療。

愚按前症若怠惰嗜臥。洒淅惡寒。乃陽不能伸發。用升陽益胃湯。若勞傷形氣而惡寒。乃無陽以護衛。用補中益氣湯。若飲食傷脾胃而惡寒。乃元氣虛損。用六君子湯。若加煩躁妄言。或欲飲水。仍進前劑。但加薑桂。若體倦煩渴。頭痛自汗。用補中益氣。加五味。麥門。東垣云。晝則發熱惡寒。是陰氣上溢於陽分也。夜中惡寒。是陰血自旺於陰分也。海藏云。六月大熱之氣。反得大寒之症。當捨時

從症。治以薑、桂之類。丹溪云。久病惡寒。乃痰鬱於脾。抑遏陽氣。不得外泄。治當解鬱。

附方

升陽益胃湯 方見三卷 第九論

補中益氣湯

六君子湯 二方見二十卷 第六論

婦人血風煩悶方論第六

婦人血風煩悶。由勞傷氣虛。而風邪乘之。血氣不和。以致肢節熱疼。口乾不臥而煩悶也。當調補元氣為主。

愚按前症多屬肝脾血虛發熱。當參照前寒熱方論主治。

赤芍藥散 治煩悶不食。體倦頭眩。身體疼痛等症。

赤芍藥 酒炒

白茯苓 各一錢

甘草 炒

柴胡 各五分

右薑棗水煎。

婦人血風攻脾不食方論第七

夫脾爲中州。意智之臟也。諸經皆賴其養。與胃爲表裏。胃主司納。脾主腐化。若勞傷真氣。外邪乘之。諸症生焉。

愚按。經云。胃乃脾之剛。脾乃胃之柔。傷胃則脾無所稟受。傷脾則不能爲胃運化。是以脾胃爲之表裏。藉飲食以滋養。百脈者也。竊謂前症若飲食所傷。六君子湯。勞役所傷。補中益氣湯。若風寒所傷。用人參理中湯。木旺乘土。六君加柴胡。嘔吐腹痛。或小便不實。前湯加木香。胸膈虛痞。或肚腹不利。六君子湯。鬱怒傷損。肝脾。歸脾湯。命門火衰。八味丸。仍審諸經錯雜之邪而治之。假如不能食。而肌肉削。乃脾胃經本病。右關脈緩而弱。乃脾胃之本脈。若見弦緊。或四肢滿悶。淋洩。便難。轉筋。此肝之脾胃病也。若兼洪大。或肌熱煩熱面赤。此心之脾胃病也。若兼浮澀。或氣短而喘急。咳嗽痰盛。此肺之脾胃病也。若兼沉細。或善恐善欠。此腎之脾胃病也。各當於本經藥中。加兼症之藥。此東垣先生之治法也。

附治驗方案

一婦人停食飽悶。或用人參養胃湯。木香檳榔丸。而泄瀉吐痰。腹中成塊。又與二陳。黃連。厚朴。反加腹脹不食。余以爲脾胃氣虛。不能消磨。用補中益氣。加茯苓。

半夏五十餘劑。脾胃健而諸症痊。

一婦人飲食每用碗許。若稍加。非大便不實。必吞酸噉腐。或用二陳、黃連、枳實。反加內熱作嘔。余曰。此本虛寒中。不信。仍作火治。虛症悉至。月經不止。余用六君。加炮薑、木香數劑。諸症漸退。又以補中益氣。加炮薑、木香、茯苓、半夏。數劑全愈。後因飲食勞倦。兼以怒氣。飲食頓少。元氣頓怯。仍用前藥。更加發熱。脈洪大。按之而虛。兩尺如無。此命門火衰。用補中益氣。加薑、桂。及八味丸兼服。兩月餘。諸症尋愈。此症若因中氣虛弱。用人參理中湯。或六君子加木香、炮薑。不應。用左金丸。或越鞠丸。虛寒。加附子理中湯。無有不愈。

一婦人飲食後。或腹脹。或吞酸。自服枳朮丸。飲食日少。胸膈痞滿。腿內酸痛。畏見風寒。或用養胃湯。腿痛浮腫益甚。月經不行。余以爲鬱結所傷。脾寒濕熱下注。侵晨用四君、芎、歸。二陳。午後以前湯送越鞠丸。諸症漸愈。又用歸脾八珍。二湯兼服。兩月餘而經行。

一婦人胸滿少食。或腹脹吞酸。或經候不調。此中氣虛而不能施化也。用補中益氣。加砂仁、香附、煨薑而飲食進。更以六君、芎、歸、貝母、桔梗而經自調。

一婦人年三十餘。忽不進食。日飲清茶水果。三年餘矣。余謂脾氣鬱結。用歸脾湯。加吳茱萸四劑。遂飲食如常。若人脾腎虛而不飲食。當以四神丸治之。一婦人不進飲食三年矣。日飲淡茶果品之類。肝脾二脈弦浮。按之微而結滯。余謂肝脾氣鬱。用六君。木香。吳茱。下痰積甚多。飲食頓進。形體始瘦。臥床月餘。仍服六君之類而康。

越鞠丸 治鬱傷氣滯。以致胸膈痞悶。或肚腹膨脹。或咽喉不清。或痰氣不爽。或飲食少思。或吞酸噯腐。宜用此藥清之。若人脾胃虛弱。用六君子湯爲主。大凡中氣虛弱。變症百出。難以名狀。但用四君補其脾胃。元氣漸復。諸症自退。若用治病之藥。則誤矣。

香附

蒼朮炒

川芎

梔子炒

神麴炒

山查各等分

右爲末。用神麴糊丸。菜豆大。每服六七十九。食遠。白湯送下。

四君子湯

六君子湯

補中益氣湯三方見二十四卷第六論

八味丸方見二十四卷第十一論

人參養胃湯方見七卷六論

二陳湯

左金丸 方見七卷第十七論

人參理中湯

附子理中湯 方見二十卷第六論

歸脾湯

八珍湯 方見二十四卷第四論

二神丸

四神丸 方見八卷第八論

婦人夢與鬼交方論第八

人稟五行秀氣而生。承五臟神氣而養。若調理失節。血氣虛甚。則鬼邪干其正。隱避而不欲見人。時獨言笑。或時悲泣。是其候也。脈息遲伏。或如鳥啄。或綿綿而來。不知度數。面顏不變。亦其候也。

愚按前症多由七情虧損心血。神無所護而然也。宜用安神定志等藥。則正氣復而神自安。若脈來乍大乍小。乍短乍長。亦為鬼祟也。宜灸鬼哭穴。以患人兩

並用絨絮緊繫當合縫處。半肉半甲。間灼艾灸七壯。若果是邪祟病者。即乞求免灸云。我自去矣。

茯神散 治妄有所見。言語雜亂。時或昏昧痰熱。

茯神 半兩

茯苓

人參

石菖蒲 各一

赤小豆 五分

右水煎服。

桃仁丸 治與鬼魅交通。

辰 砂另研 檳榔

水 銀一錢囊肉一個研令星盡

沉香各半兩

當歸 麝香

桃仁各三錢 阿魏麵裹煨

右為末。煉蜜丸。桐子大。每服十丸。空心桃仁湯下。

辟瘟丹

虎頭骨二兩

硃砂

雄黃

雌黃

鬼臼

皂莢

蕪荑仁

鬼箭羽

藜蘆各一兩

右為末。煉蜜丸。彈子大。囊盛一丸。男左女右。繫臂上。及用一丸。當病人戶前燒之。一切邪鬼不敢近。

妙香散 治心氣不足。精神恍惚。夢與鬼交。語言錯亂。先服此以補氣血。鎮心安神。然後以前方治之。方見三卷第十三論

婦人傷寒傷風方論第九

傷寒之症。若氣口脈緊盛。卽下之。人迎緊盛。卽汗之。左關浮緊。亦當發其汗。若犯胃熱。譫語喜忘。小腹滿。小便自利。用抵當湯。胃實譫語。用承氣湯。脈緊無汗。名傷寒。脈緩有汗。爲傷風。熱病脈洪大。爲中暑。用香薷飲。脈細弱。爲中暈。用白虎湯。胃實用承氣湯。傷寒先服黃龍湯。不分男女。但妊娠用藥。宜清涼。不可輕用桂枝。半夏。桃仁。朴硝等類。凡用藥。病稍退。則止。不可盡劑。此爲大法。

愚按前症。當宗仲景先生治法。但胎前產後。須以安胎補益爲主。須臨症審之。

黃龍湯 卽小柴胡湯去半夏。

桂枝

芍藥

甘草炙各一錢

紅花二錢

右薑棗水煎服。良久再進。汗出可解。

黃芩芍藥湯 治婦人內熱。口燥咽乾。腹滿不食。

黃芩炒

芍藥酒炒

白朮

熟地黃自製各一錢

右水煎。寒加生薑。

當歸湯 治傷寒喘急煩躁。或戰而作寒。此陰陽俱虛。不可下。宜服此藥。

柴胡一錢

白朮炒七

人參

甘草炒

赤芍藥

當歸各五分

五味子杵炒

木通各三分

右用水薑棗煎。

瀉心三黃湯 治傷寒六七日。內有燥屎。大便祕結。譫語目赤。毒氣閉塞。

大黃煨

黃芩炒

黃連炒各一錢

右水煎服。取微利。如目赤睛疼。加赤茯苓、竹葉。

燒裨散 治女子病新瘥。與男子交者。名曰陰易。其證則裏急冷痛。頭重不舉。目

中生花。或頭面烘熱。耳中蟬鳴。胸中煩悶。甚者百節解散。用男子舊裨襠。着左

腹者。剪取一塊燒灰。每日三服。白湯下。男子病。則以女人者。如不應。用參附湯。

婦人熱入血室方論第十

婦人傷寒傷風發熱。經水適來。晝則安靜。暮則譫語。有如瘧狀。此為熱入血室。治

者無犯胃氣。及上二焦。宜服小柴胡湯。若脈遲身涼。當刺期門穴。下針病人五吸。停針良久。徐徐出針。凡針期門穴。必瀉勿補。肥人二寸。瘦人寸半也。

愚按前症。若因勞役。或怒氣發熱。適遇經行。而患前症者。亦用小柴胡加生地黃治之。血虛用四物加柴胡。若病既愈而熱未已。或元氣素弱。並用補中益氣湯。脾氣素鬱。用濟生歸脾湯。血氣素虛。用十全大補湯。

附治驗

一婦人經行。感冒風邪。晝則安靜。夜則譫語。此熱入血室也。用小柴胡加生地黃治之。頓安。但內熱頭暈。用補中益氣加蔓荊子而愈。後因怒惱。寒熱譫語。胸腹脹痛。小便頻數。月經先期。此肝火血熱妄行。用加味逍遙。加生地黃而愈。

一婦人因怒。寒熱頭痛。譫言妄語。至夜益甚。月經暴至。此怒動肝火。用加味逍遙散。加生地黃治之。神思頓清。又用補中益氣湯而痊。

一婦人經行。感冒譫語。或用發散寒涼之劑。前症益甚。月經不止。肚腹作痛。嘔吐不食。痰涎自出。此熱入血室。而寒復傷胃也。用香砂六君。及歸脾而痊。

乾薑柴胡湯 治婦人傷寒。經脈方來。熱入血室。寒熱如瘧。或狂言見鬼。

柴胡一錢 桂枝三分 薑根五分 牡蠣煨

乾薑炮 甘草三分各

右水煎。汗出而愈。

海蛤散 治婦人傷寒。血結胸膈。宜服此藥。及針期門穴。

海蛤 滑石煨水 甘草各二分 芒硝一兩

右爲末。每服二錢。用鷄子清調下。小腸通利。其結血自散。更用桂枝紅花湯。發

其汗則愈。前方見

附方

小柴胡湯方見二十四卷第二論 四物湯

香砂六君子湯

補中益氣湯三方見二十四卷第六論 歸脾湯

十全大補湯

加味道遙散三方見二十四卷第四論

婦人咳嗽方論第十一

夫肺爲四臟之華蓋。內統諸經之氣。外司腠理皮毛。若外邪入於肺中。故令咳嗽。

當以脈息辨之。浮而弦者起於風。濡而弱者起於濕。洪而數者起於熱。遲而濇者起於寒。風者散之。濕者燥之。熱者涼之。寒者溫之。虛者補之。

愚按丹溪云。春是木氣上升。夏是火氣炎上。秋是濕熱傷肺。冬是風寒外來。當發散行痰。開腠理。用二陳湯加麻黃、桔梗、杏仁。痰飲隨症加藥。勞嗽宜四物加竹瀝、薑汁。乾咳嗽難治。此症乃痰鬱火邪也。用苦梗開之。夏用補陰降火。不已則成勞。上半日多嗽者。胃火也。用貝母、石膏。午後嗽者。陰虛也。用四物加炒黑黃柏。知母。黃昏嗽者。火氣浮於肺也。用五味子、五倍子。五更嗽者。飲食之火流於肺也。以貝母、軟石膏。肺脹而嗽。或左或右不得眠。此痰挾瘀血氣滯而病。宜養血疎肝清痰。用四物加桃仁、訶子、青皮、竹瀝之類。嗽而脇下痛。宜疎肝氣。以青皮、挾痰實者。白芥子之類。血礙氣作嗽者。桃仁、大黃。薑汁丸服。治嗽多用生薑。以其辛散故也。痰因火動。逆上作嗽者。先治火。次治痰。以知母止嗽清肺。滋陰降火。夜嗽用清陰分之劑。若嗽多用粟殼。不必疑。但要去病根。此乃收後藥也。竊謂前症。午前嗽屬胃火盛。用竹葉石膏湯。胃氣虛用補中益氣。加炒山梔。午後嗽屬陰血虛。用四物、黃柏、知母。二味酒拌炒黑腎水虛用六味地黃丸。黃昏嗽用

四物、五味、麥門。并前丸。五更嗽。用六君子。不得眠及兩脇下痛。用六味地黃。補中益氣。若因氣虛。腠理不密。六淫所侵。當祛外邪而實脾土。若因心火太過。當伐肝木而滋肺金。若因肺金氣虛。當補脾土而生肺氣。若因腎水虧損。虛火炎上。當補肺腎以滋化源。大抵風邪胃火。此實熱爲患。易治。惟肺腎虧損。此真臟爲患。最難調治。

附治驗

一婦人素勤苦。冬初咳嗽發熱。吐血盜汗。遍身作痛。或寒熱往來。用化痰降火之藥。口噤筋攣。此血本虛而藥復損之耳。余用八味丸爲主。佐以補中益氣。麥門、五味、山藥。年餘而痊。

一婦人咳嗽發熱。嘔吐痰涎。日夜約五六碗。喘咳胸痞。燥渴不食。崩血如湧。此脾土虛寒。用八味丸。及附子理中湯而愈。全見女醫撮要

一婦人不得於姑。患嗽。胸膈不利。飲食無味。此脾肺俱傷。痰鬱於中也。先用歸脾湯。加山梔、撫芎、貝母、桔梗。諸症漸愈。後以六君加芎、歸、桔梗。間服全愈。

一婦人咳嗽。早間吐痰甚多。夜間喘急不寐。余謂早間多痰。乃脾虛飲食所化。夜

間喘急。乃肺虛陰火上衝。用補中益氣。加麥門、五味而愈。

一婦人患咳嗽。脇痛發熱。日晡益甚。余曰。此肝脾虛熱而傷肺也。用加味逍遙散。加熟地治之而愈。後因怒氣勞役。前症仍作。兼太陽痛。或寒熱往來。或咳嗽遺尿。此肺氣虛而尿腠失制也。仍用前散。及地黃丸而瘥。

一婦人久咳嗽。面色痿黃。或時晄白。肢體倦怠。飲食少思。稍多則瀉。此脾土虛而不能生肺金。朝用補中益氣湯。夕用六君子湯爲主。間佐以八珍湯。三月餘漸愈。後感寒邪喘嗽。胸腹作脹。飲食不入。四肢逆冷。此中氣尙虛。不能充皮毛。肥腠理。司開闔之所致也。遂用六君。加生薑、桔梗而愈。

附方

法製清氣化痰丸 順氣快脾。化痰消食。

半夏

南星去皮

白礬

皂角

乾薑各四兩

右先將白礬等三味。用水五碗。煎取水三碗。却入半夏二味。浸二日再煮。至半夏南星無白點爲度。晒乾。

陳皮

青皮

紫蘇子

蘿蔔子炒另

杏仁

去皮尖炒研

葛根

神麩炒

麥蘖炒

山查子

香附子

右爲末。蒸餅丸。桐子大。每服五七十九。臨臥茶湯任下。

茯苓湯 治胸中有痰飲吐水。心胸虛滿。不能進食。

茯苓

人參

白朮炒各

枳實炒二

橘皮二兩

生薑四兩

右用水六升。煮取二升。分三服。

加減小柴胡湯 治咳嗽寒熱往來。

柴胡

半夏

黃芩炒各

甘草炒

乾薑炮各

五味子炒分

用水煎服。

黃連解毒湯 治一切實火喘咳。脈洪大。或狂言煩躁。口乾飲冷。喘急鄭聲。目睛

赤痛。

黃連

黃芩

梔子

黃柏各二錢

用水煎服。

梔子仁湯 治喘咳發熱潮熱。發狂煩躁。面赤咽痛。

梔子仁

赤芍藥

大青

知母各一錢

升麻

黃芩

石膏

甘草

杏仁各二錢

柴胡二錢

豆豉百粒

用水煎服。

麥門冬湯 治火熱乘肺。咳嗽有血。胸脇脹滿。五心煩熱。

麥門冬去心

桑白皮炒

生地黄各一錢

半夏

紫苑

桔梗

淡竹葉

麻黃各十分

五味子并

甘草各五分

右薑水煎服。

二陳湯方見二十四卷第六論

竹葉石膏湯方見十三卷第十論 補中益氣湯

四物湯

六君子湯三方見二十四卷第六論 六味丸

八味丸二方見二十四卷第十一論

附子理中湯三方見二十四卷第八論

歸脾湯

加味逍遙散

八珍湯三方見二十四卷第四論

咳嗽用溫藥方論第十一世初虞

經曰。微寒爲嗽。寒甚爲腸澼。古人立方。多用乾薑、桂心、細辛之屬。若熱在上焦而嗽。虛則爲肺痿。實則爲肺癰。或因氣血不足。或因酒色厚味。或因重亡津液。燥氣焚金。故脈數發熱。咳嗽膿血。宜辛溫建中之屬。若用柴胡、鱉甲、門冬、葶藶等藥。則誤矣。

愚按。丹溪云。陰分嗽者。多屬陰虛肺脹。不得眠者難治。肺痿專主補氣。養血清金。肺氣有餘者。宜瀉之。以桑白皮爲主。半夏、茯苓佐之。瀉其有餘。補其不足。肺燥者。當潤之。屬熱者。桔梗、大力子、知母、鷄子清。聲啞者屬寒。細辛、半夏、生薑。肺虛者。人參、膏阿膠爲主。陰不足者。六味、地黃爲要藥。或知母、茯苓湯。陰虛氣喘。四物加陳皮、甘草。以降其氣。補其陰。竊謂前症。嗽而鼻塞聲重。風邪傷肺也。用參蘇飲。面赤喘嗽。火尅肺也。人參平肺散。寒熱交作。肝氣不和也。四君加知母。

柴胡、桔梗。咳喘短氣。肺虛也。人參、補肺湯。體倦少食。脾虛也。參朮補脾湯。口乾咽燥。虛火上炎也。六味丸。大凡發熱喘嗽。或咳唾膿血。飲食不入。急補脾肺。滋腎水。多有得生者。脈浮大而面色赤者。皆難治。脈浮短濇者。可療。

參蘇散。治外感風寒。咳嗽氣逆。血蘊上焦。發熱氣促。或咳血衄血。或痰嗽不止。加黃芩、山梔。各加味參蘇飲。

人參

紫蘇葉去梗

半夏薑汁炒

茯苓

陳皮

桔梗

葛根

前胡

枳殼

煨炒各一錢

甘草炙五分

右薑水煎服。

金沸草散。治肺經受風。頭目昏疼。咳嗽聲重。涕唾稠粘。

荆芥穗七分

前胡

麻黃

旋覆花各七分

甘草

赤芍藥

半夏各五分

用薑棗水煎服。

定喘湯。治痰喘胸滿。坐臥不安。聲重鼻塞頭昏。

半夏麩

明阿膠炒

甘草五炒各分

蓼粟殼製一錢

五味子并炒

桑白皮炒

麻黃去節

人參各三分

右薑三片。烏梅半箇。水煎。臨臥服。

金不換正氣散。治肺胃虛弱。咳嗽不已。喘滿涎盛。

蓼粟殼製一錢

杏仁製

甘草

枳殼各五分

右生薑。烏梅水煎。

錄驗橘皮湯。治肺傷冷濕咳嗽。喉中作聲。上氣頭痛。

陳皮

紫苑

麻黃去根

杏仁製

當歸各一錢

桂心

甘草炒

黃芩各五分炒

用水煎服。

華蓋散。治肺感寒邪。咳嗽聲重。胸膈煩滿。頭目昏眩。

蘇子炒

陳皮

赤茯苓

桑白皮炒

麻黃各一錢

甘草五分

用薑水煎服。

千金五味子湯 治咳嗽皮膚乾燥。唾中有血。胸脇疼痛。

五味子 并炒

桔梗 炒

紫苑

甘草 炒

續斷 各一錢

竹茹 三錢

赤小豆 一撮

生地黄

桑白皮 各半兩

右水煎服。

知母茯苓湯 治咳嗽不已。往來寒熱。自汗喘促。或肺痿。

知母

茯苓 各一

五味子 并

人參

薄荷

半夏

柴胡

白朮

款花

桔梗

麥門冬 去心

黃芩 炒 各兩

川芎

阿膠

甘草 炙 各三錢

右每服一兩。薑水煎。

小青龍湯 治肺感寒。咳嗽喘息。加杏仁煎。有汗去麻黃。細辛。發熱頭疼。脈沉細。

或嘔或欬。或利或噎。或小便不利。小腹滿脹。喘嗽之聖藥。

瀉白散

桔梗湯

人參平肺散

人參補肺湯

參朮補肺湯五方見二十一論六味丸卷第十一論

四物湯

四君子湯二方見二十一卷第六論

勞嗽方論第十二

經曰。感於寒。微則爲咳。甚則爲泄。蓋肺主氣。合於皮毛。邪傷皮毛。則咳爲肺病。傳於各臟。以時受邪。肺爲嫩臟。邪易傷而難治。其嗽有肺、心、脾、腎、肝、風、寒、支、飲、膽、之十種。亦有勞嗽者。華陀謂之邪嗽。孫真人謂之注嗽。此因酒色過度。勞傷肺經。重者咯唾膿血。輕者時發時瘥。或先嘔血而後嗽。或先咳嗽而吐血。此又挾邪傳注。孫真人用通氣丸。夢與鬼交。用四滿丸。蛤蚧、天靈蓋、桃柳枝、安息香之類。若肺中有蟲。入喉癢嗽。須以藥含化。其蟲卽死。嗽卽止。

愚按。仲景先生云。咳而兩脇痛。不能轉側。兩胛滿。屬於肝臟。用小柴胡湯。咳而嘔苦水。屬膽腑。黃芩半夏生薑湯。咳而喉中如梗狀。甚則咽腫喉閉。屬心臟。桔梗湯。咳而大便失氣。屬小腸腑。芍藥甘草湯。咳而右胛痛。陰引肩背。甚則不可動。動則咳劇。屬脾臟。升麻湯。咳而嘔。嘔甚則出長蟲。屬胃腑。烏梅丸。咳而喘息。

有聲。甚則唾血。屬肺臟。升麻湯。咳而失尿。屬大腸腑。麻黃附子細辛湯。咳而遺溺。屬膀胱。茯苓半夏湯。咳而不止。三焦受之。其狀腹滿。不食。涕唾。面目浮腫。氣逆。異功散。用之對證。其效如神。仍參五卷看。

附治驗

一婦人患前證。晡熱內熱。寒熱往來。作渴盜汗。小便頻數。其經兩三月一行。此肝脾氣血虛損。用八珍湯。六味丸各六十餘劑。諸症漸愈。其經兩月一行。仍用前二藥。間以加味逍遙散。各三十餘劑。後恚怒適經行。去血過多。諸症悉至。飲食少思。腹腫氣促。用十全大補湯。數劑漸愈。仍用前藥。調補漸愈。復因喪子。胸腹不利。食少內熱。盜汗便血無寐。用加味歸脾湯。仍兼前藥而愈。

一婦人患前症。不時發熱。或時寒熱。或用清熱之劑。其熱益甚。盜汗口乾。兩足如炙。遍身皆熱。昏憤如醉。良久熱止。方甦。或晡熱。至旦方止。此陰血虛而陽氣弱也。余朝用六味丸。料夕用十全大補湯。月餘。諸症稍愈。更兼以補中益氣湯。兩月餘而愈。

孫師四滿丸 治上氣嗽、欬嗽、燥嗽、冷嗽、邪嗽。謂之五嗽。

乾薑炮 桂心 躑躅花 芎藭

紫苑各二兩 芫花根皮二分 蜈蚣一條去足炙 細辛

甘草炙 鬼督郵 人參 半夏一泡各兩

右為末。煉蜜丸。大豆許。每服五丸。米飲下。日三服。未應。加至七八丸。

溫金散 治勞嗽喘悶。咯痰中有血。方見前勞瘵類

阿膠丸 治勞嗽并嗽血咯血。方見前勞瘵類下補遺

團魚丸 治骨蒸勞嗽累效。

貝母 前胡 知母 杏仁

柴胡各等分 生團魚二個

右藥與魚同煮熟。取肉連汁食之。將藥焙乾為末。用骨更煮汁一盞。和藥丸。梧子大。每服二十九。煎黃耆六一湯。空心送下。病既安。仍服黃耆六一湯調理。

附方

地骨皮散

知母炒 柴胡 甘草炒 人參

地骨皮

茯苓

半夏薑製各一錢

用薑水煎服。

海藏紫苑散 治咳中有血。虛勞肺痿。

人參

紫苑

知母炒

貝母

桔梗炒

茯苓

阿膠炒各一錢

五味子各三

甘草炙五分

用薑水煎服。

參朮調中湯 瀉熱補氣。止嗽定喘。和脾胃。進飲食。

黃耆四分

桑白皮五分

人參

炙甘草

青皮

白茯苓各三

五味子各五

白朮三分

地骨皮

麥門冬

陳皮各五

用水煎服

二陳湯 治脾胃虛弱。中脘停痰。或嘔吐惡心。或頭目不清。飲食少思。方見二十一卷第五

論

異功散方見二十四卷第五論

六味丸方見二十四卷第十一論

八珍湯

加味逍遙散

十全大補湯

加味歸脾散四方見二十四卷第四論

補中益氣湯方見二十四卷第六論

喘滿方論第十四

岐伯曰。夜行則喘出於腎。淫氣病肺。有所墮恐。喘出於肝。淫氣害脾。有所驚恐。喘出於肺。淫氣傷心。度水跌仆。喘出於腎與骨。皆因外邪所感而致。太陽病。則脈浮。無汗而喘。用麻黃湯。陽明病。則汗出腹滿。喘而潮熱。承氣湯。表所未解。喘促汗出。葛根黃芩湯。微喘。桂枝厚朴杏仁湯。汗出而喘。麻黃杏子甘草石膏湯。表邪未解。小青龍湯。去麻黃。加杏仁。感寒伏熱而喘。九寶湯。氣鬱痰盛喘促。四七湯。涎多而喘。千緡湯。不得臥而喘。神祕湯。寒熱喘咳。棗膏丸。上氣喘促。神授湯。上盛下弱。吞黑錫丹。若四肢逆冷。脈息沉細。或寸大尺小。胸脹冷汗。大便頻數。上氣喘促。此虛極挾寒之陰症。急用返陰丹。

愚按東垣云。肺金受邪。由脾胃虛弱。不能生肺。乃所生受病。故咳嗽氣短。氣上

皮毛不能禦寒。精神少而渴。情慘不樂。皆陽氣不足。陰氣有餘也。治法若肺氣虛弱。用四君。枳殼。半夏。脾虛不能生肺。補中益氣湯。七情氣結。四七湯。脾經鬱結。歸脾湯。脾氣虛弱。人參補肺散。肺經火盛。人參平肺散。腎水敗濁。六味丸。真陽虛損。八味丸。或兼小便不利。爲害尤速。非二丸不能救。仍與前十一十二論互用。

附治驗

一婦人傷風寒作喘。或用表散。愈而復患。仍用前藥。其症益甚。飲食少思。胸腹不利。此因脾肺氣虛也。予先用六君子湯加桔梗漸愈。又用補中益氣湯全愈。一婦人患前症。屬命門火虛。不能生脾土。用補中益氣湯。八味地黃丸而痊。後復患。其喘益甚。用前藥不應。遂用黑錫丹二服。喘止。仍用前二藥。而諸症痊。凡屬邪氣有餘者。其症易識。治效亦速。其屬元氣不足者。變症不一。效非可以旦夕期也。

神祕湯 治水氣乘肺作喘。或支飲喘滿。痰嗽不食。

陳皮去白

紫蘇葉

人參

桑白皮

生薑各一錢

右水煎服。

千縉湯

半夏七枚炮製

皂角去皮尖

甘草炙一寸

生薑如指

右薑水煎服。

棗膏丸 治息賁在右脇下。大如杯。令人灑淅寒熱喘咳。

甜蔞葶炒研

陳皮

苦梗各等分

右為末。煮棗肉丸。桐子大。每服數丸。白湯下。

許學士云。余常停飲水積。食已必噎漸喘。覺肺系急。服此。

神授湯 治上氣喘急不得臥。

橘紅

苦梗

紫蘇

人參各一錢

五味子杵炒三分

右薑水煎服。

九寶湯 治伏熱咳嗽喘急。虛勞自汗者。不可服。

薄荷

紫蘇

大腹皮洗

甘草炒

杏仁尖皮

陳皮各一錢

用薑十片烏梅一箇水煎。

四磨湯 治七情鬱結上氣喘急滿悶痰涎上湧。

人參

檳榔

沉香

烏藥

右四味各濃磨白沸湯少許溫服。

五味子湯 治咳嗽皮膚乾燥唾中有血胸脇疼痛。

五味子并炒

桔梗炒

紫苑

甘草炒各五分

竹茹一錢

續斷五錢

赤小豆一撮

生地黃二錢

桑白皮二錢

右水煎服。

附方

六君子湯

四君子湯

補中益氣湯三方見二十卷第六論

四七湯方見十七論

歸脾湯方見二十四卷第四論

人參補脾散

人參平肺散二方見二十六論六味丸

黑錫丹方見四卷第四論

八味丸二方見二十一論

婦人風痰積飲咳嗽方論第十五

婦人脾胃虛弱。風邪外侵。以致痰滯咳嗽。眼昏頭眩。經云。九竅不利。腸胃之所生也。無擇云。凡屬風熱。三生飲。化痰丸。屬寒冷。金沸草散。屬暑熱。消暑丸。屬氣鬱。四七湯。在上。瓜蒂散吐之。在下。控涎丹利之。仍觀人之勇怯。脈之虛實。

愚按前症若肝經恚怒。用小柴胡湯。肝經風熱。用鈞藤散。肝腎氣虛。用川芎散。脾經鬱結。用濟生歸脾湯。鬱怒傷肝脾。用加味逍遙散。脾虛痰逆。用白朮半夏天麻湯。脾氣虛弱。用六君子益氣湯。肺氣鬱滯。用二陳貝母桔梗陰虧水泛。六味地黃腎虛陰火。加減八味丸。腎虛火不歸源。八味地黃丸。仍與前按互相用之。

附治驗

一婦人內熱口乾。勞則頭暈。吐痰帶下。或用化痰理氣藥。前症益盛。肢體或麻。又

用祛風化痰藥。肢體常麻。手足或冷或熱。此脾土不能生肺金也。余用補中益氣。加茯苓。半夏。炮薑。二十餘劑。漸愈。又用加味逍遙散。三十餘劑。全愈。後因怒吐痰胸痞。或用清氣化痰丸。食少痰甚。胸脇脹滿。脈或浮大。或微細。余以六君倍用參朮。少加木香而康。

一婦人咳嗽脇痛。或用清肺化痰降火等劑。久不愈。更加內熱。晡熱。苦兩脇。或小腹內熱。其咳益甚。小便自遺。余曰。此屬肝經血虛火動。用六味丸。加五味子。滋腎水。以生肝血。用補中益氣。生脾土。以滋肺金。而尋愈。

旋覆花湯 治風痰嘔逆。飲食不下。頭目昏悶等症。

旋覆花

枇杷葉

川芎

細辛

赤茯苓錢各一

前胡錢五分

用水薑棗煎。

大半夏湯 治痰飲。脾胃不和。咳嗽嘔吐。飲食不入。

半夏

白茯苓

生薑錢各二

右薑水煎服。胃痞。加陳皮。如不應。四七湯亦善。

導痰湯 治痰涎壅盛。胸膈痞塞。或咳嗽惡心。飲食少思。

半 夏四錢 南 星 枳 實熬炒 茯 苓

橘 紅各一錢 甘 草五分

右薑十片水煎。

附方

川芎散 治肝腎氣虛。頭風眩運。

小川芎 山 藥 白茯苓 甘菊花

人 參各五錢 山茱萸肉一兩

右每服一兩。食前。空心水煎服。或為末。酒調。日三服。

小柴胡湯方見二十四卷第二論 鉤藤散方見四卷第四論 歸脾湯

加味逍遙散二方見二十四卷第五論 白朮半 夏天麻湯方見四卷第五論

六君子湯 補中益氣湯二方見二十四卷第六論 二陳湯方見二十四卷第五論

六味丸 加減八味丸 八味丸三方見二十四卷第十一論

婦人心胸嘈雜方論第十六

婦人嘈雜。此脾胃鬱火。痰滯血液。淚汗而成。用猪血炒食之。乃以血導血。而使之歸源爾。旋覆花湯尤善。

愚按前症。若因食鬱。用六君子湯。山查、山楂、山梔。若因胃熱。用二陳湯。炒芩、連。若因六鬱。用越鞠丸。若因氣滯。用四七湯。桔梗、枳殼。大抵此症屬病氣。元氣俱不足。須用六君子爲主。少佐以治痰之藥。若以火治之。必變吞酸中滿。

附治驗

一婦人飲食少思。胸中嘈雜。頭暈吐痰。此中氣虛而有熱。用六君子湯。加炒黑山梔、桔梗而愈。後因勞碌。頭暈發熱。吐痰不食。用補中益氣。加半夏、茯苓、天麻而痊。

一婦人中脘嘈雜。口中辛辣。或咳嗽吐痰發喘。面色或白或赤。此脾氣虛而肺中伏火也。用六君子。加山梔、桔梗、柴胡。及炒黑片芩治之。尋愈。

一婦人嘈雜吞酸。飲食少思。大便不實。此脾氣虛寒而下陷。用補中益氣湯。加茯苓、半夏、炮薑漸愈。又常服人參理中丸則安。

一婦人飲食後。嘈雜吞酸。此食鬱爲痰。用六君子湯。送越鞠丸漸愈。又用加味歸

脾湯而痊。後因怒。兩脇脹痛。中脘作酸。用四君子湯送左金丸漸安。仍用六君子湯送越鞠丸而瘥。

旋覆花湯。治脾胃虛寒。中脘停痰。汪洋嘈雜。腸鳴多睡。嘔吐不食。脇肋脹痛。脈

沉遲弦細。

旋覆花

細辛

橘紅

桂心

人參

甘草炒

苦梗

白芍藥

半夏五分

赤茯苓各三

右薑水煎服。

余治婦人心胸嘈雜。用茯苓補心湯。治之而愈。方見前

附方

補中益氣湯

四君子湯

六君子湯

二陳湯方見二十四卷第五論

越鞠丸方見前第七論

四七湯

歸脾湯方見二十四卷第四論

人參理中湯方見二十卷第八論

四卷第六論

方見十卷

校註婦人良方 卷六 衆疾門 婦人心胸嘈雜方論第十六

四四

